

'Sëédhε =plε -naa
'ö Pɔlö -ya bɔ
Yesu -wun -dhε 'wun
gia- -mε -nu 'wo
Kolentö
plöö -an -dhë bhë 'ö =nε

1 ¹'Sëédhε 'ö =nε -yö -go ma Pɔlö 'ö -Zlan -zo 'kun -wun 'ka 'ö 'a Yesu Klito -bha bɔmε 'ka bhë ma 'dhö yië- kwa dheglu Timote yi 'piö. -Yö -dho Yesu -wun -dhε 'wun gia- -mε -nu -dho 'kuë- -sü 'ö 'ka Kolentö plöö waa- -Zlan -bha 'sεgɔgüme -nu 'slööslö 'ka Glekö 'saadhö ka 'piö. ²'Go, kwa Dë -Zlan waa- kwa Dëme Yesu Klito -wo 'dhuë- 'kpɔ ka -bha, -wo ka gbaa -zuöyagluu 'ka.

Pɔlö -bha -Zlan -sεε- bho -sü

³-Kwa kwa Dëme Yesu Klito Dë -Zlan 'tɔ -bli, bhii yö =nε 'ö tɔɔ 'glusë Dë, yö =nε 'ö tɔɔ -Zlan 'ö mε 'yënnε -dhuë' 'töng 'saadhö 'ka. ⁴-Yö kwa 'yënnε -dhuë' 'yena -wun 'saadhö 'ö nu kwa -ta -a 'gü, -yö kē 'dhö kö kwa -de 'pö mε -nu 'wo to 'wo bɔ -na 'klobhɔdhe -suu' 'saadhö 'gü kö pë do 'ö- -kē kwa 'yënnε -dhuë' -pë 'ka 'ö go -Zlan 'piö bhë kö 'kwaan- -an 'yënnε -dhuë' -a 'ka 'pö. ⁵Bhii -kɔ do 'ö kwa 'klo 'dho bhɔ -na -a 'ka Klito -wun 'gü bhë, 'ö kwa 'yënnε -dhuë' dhe =va yö -a 'ka =bɔa' Klito -ta -sü 'ka. ⁶-Ka -dhε -ga! Yi 'klo 'ö bhɔ -na =nε -yö -bhɔ 'dhö kö 'kaan- 'yënnεdhuëdhe waa- dhasü -an yö. 'Ö =ya kē =nε 'yië 'yënnεdhuëdhe yö kö -yö -kē 'dhö kö 'yië ka 'yënnε -dhuë' kö 'klobhɔdhe -nu do 'ö 'yi bɔ -na -a 'gü bhë kö ka -de 'pö

'kaan- bɔ -a 'gü -zuösaadhɛ 'ka. ⁷Yi -zo yö -sü -mü -nɛ -kɔ do ö 'klobhɔdhe -nu 'dho nu -na -a 'ka yi -ta bhë 'ö ka -bha dho kɛ -a 'ka 'pö bhë, -kɔ do bhë 'ö 'yënnghuëdhe 'ö 'yi- 'gü, 'ö ka -bha 'dho kɛ -a 'ka 'pö. ⁸Yi- 'piö, dhegluzë -nu, kö 'klobhɔdhe -suu- 'yi- yö Azi -sɛ 'gü bhë 'yi- -wun -blɛɛ'- ka -dhë. -Yö -kɛ -va, -dhe 'to -na zlöö kö -to 'bhee- -sü 'yaa yi 'yaan gbɔ. ⁹Kɛ yi -wɛ -a -wun -bha 'ö 'yi yi -kwaa yi -de -wun -zü -yö kɛ 'dhö kö 'yi yi -zo bho yi -de -faan' 'piö, 'yi yi -zo yö -zian' -Zlan 'yö game -nu bho ga 'gü bhë -a -bha. ¹⁰Yö -nɛ 'ö yi bho 'wun 'gbee- 'ö -kɛ ga -wun 'ka bhë -a 'gü; pɛ 'ö -kɛ 'yö -kɛ yi 'yaan -nɛ 'wun 'gbee- -suu- -nu 'wo bhë -yö -tun yi bho -an 'gü 'zü bhë 'ö bhë. ¹¹Ö tɔɔ ka giagia, ka -dho nu yi -dhë -bhɛa yi -wun 'gü -sü 'ka bhii -ya kɛ 'dhö -Zlan -yö -dho -bhɛa' -wo -plëözë 'ö 'dhoë- kɛ yi -wun 'gü bhë -a -daa kɛ. -Ya kɛ 'dhö -yö -dho wɛ 'wun -nu 'yö 'dhoë- kɛ 'dhö bhë -a -wun -bha kö zuöpödhe -va -yö kɛ yi -wun 'gü.

Pë -nu 'ö Pölö 'dho -a 'piö kö 'yö -an kɛ -a -dhië -kwaa -sü

¹²Pë 'yi dho -mɔa -dewo kö 'yiën- kɛ -a 'gü 'gougɔ ö -ga tɔɔ -wo 'ö 'wɛ -na yi 'gü bhë -ya -zɔn yi -dhë -nɛ yi -bha 'ta 'sü -kɔ 'ö 'kpongtaa zö 'iin 'ö ka buëndhö -yö -kɛ 'puu 'ö -kɛ 'wun gia- 'ö go -Zlan 'piö -a 'gü -pɛ -nu kɛ -sü 'ka. 'Yaa mɛ 'bhee- -bha 'wundɔdhe 'ka, 'kɛɛ -Zlan -bha 'glusë 'ö -kɛ mɛ -dhë -zian' yö -mü. ¹³Bhii kɛ- wo bhë, 'sëédhe -nu yi- bɔ -na bhë, 'wun -nu 'wo -ya -sü 'ka -an 'gü bhë 'wun 'kpaan gbɛ 'yaa- 'gü -a 'ke yaa kɛ pɛ -nu 'ka- pö -na, 'ö 'ka- ma -a 'gü bhë -a 'ka. -Kaa 'sü -nɛ -kɔ gia- 'ö 'ka- pöë bhë -a 'dhö, bhii 'wun gbɛ 'yaa- -löö. A- -tɛi' -dɔ -nɛ yi do 'ka, ka -dho -a -gen ma 'fɛfɛdhö. ¹⁴Dɔ 'kwa- wo -nɛ ka- -ma ö 'pian do 'ka. 'Kɛɛ yi 'ö kwa Dëmɛ Yesu dho nuë bhë 'ö 'ka dho -dhe yö 'wun -nu bhë -an 'gü 'fɛfɛdhö; yi bhë -nɛ 'ö 'ka dho kaa 'gougɔ yi -wun 'gü -nɛ -kɔ do 'ö dho kaa yi -gɔ ka -wun 'gü bhë -a 'dhö. ¹⁵N -ma -zo yö -sü 'gü a- -dhɔ -kaa' kö 'aan- nu ka 'piö 'ma 'dhiö -be, -yö kɛ 'dhö kö -Zlan -yaan pɛ -sɛ kɛ ka -dhë 'zü. ¹⁶A- -ya n -zuö' 'piö -bezë kö 'aan- bɔ ka -plöö 'aan- 'dho Maseduanë, 'go mü kö n 'go -sü 'ka Maseduanë 'aan- bɔ ka -plöö 'zü kö 'kaan- nu n -dhë 'aan- 'dho n -ma 'ta 'ka 'dhiö Zude -zian'. ¹⁷-Ya kɛ 'dhö kö 'wun bhë -a 'sü 'pö 'a- wo -kɔ -taa 'dhö bhë -eɛ? 'Iin a n -ma 'wun -nu yö -na 'ko 'dhiö, -a kɛ 'pö 'a- wo mɛbheedhe -kwaa -yö kɛ 'dhö kö 'aan- -ii- waa- -daa 'dee- -an pö 'ko -yië' bhë -eɛ? ¹⁸'Wun -nu 'wo bhë -ii- waa- -daa 'dee- -wun 'yaa -mü kö 'yiën- -an -wun -blɛɛ'- ka -dhë. -Yö kɛ ka 'yaan -nɛ 'wun 'a- -blɛɛ' -na bhë 'wun gia- -mü. ¹⁹-Zlan Gbö Yesu Klito 'ö ma 'dhö, Siliven 'dhö, Timote 'dhö, 'yi- -wun -blɛɛ ka ziën bhë yaa kɛ -ii- waa- -daa -an -wun 'ka, 'kɛɛ -yö -Zlan -bha -ii- 'ka kwa ziën. ²⁰-Ii- 'ö pɛ -nu 'ö -Zlan -ya 'tɔ go kwa -dhë bhë 'ö -an 'piö -pɛ 'ka yö -mü. Bhii yö -nɛ 'ö -ya kɛ 'kwa kwa -zo yö -a -bha 'ö 'kwa amen pö -Zlan 'tɔ -blü -sü 'ka. ²¹Bhii -Zlan -de gia- -nɛ 'ö kwa sü 'ö kwa -ya -de -ta 'ö ka 'dhö, yi 'dhö 'ö kwa kpa 'kuë- 'ö kwa dɔ genngdhö Klito -bha zian -ta. ²²'Yö -duakëpɛ -ya kwa -bha -nɛ kwa- -bha 'ka, 'go mü

'yö -Zuu 'slööslö -ya kwa =zuö' 'gü -a -zɔn -sü 'ka =ne pë -nu 'ö- 'tɔ go kwa -dhë bhë -wo -to kwa -gɔ -pë 'ka.

²³Zlan -de -yö n =goo- 'ka. 'Wun dho =gbaɔn ka -ta -be, 'ka dha -a -gɔ bhë 'ö tɔɔ n 'ka nu Kolentö 'ma gbɔ. A- kē 'dhö kö 'kaan- -ya ka -de 'flëë 'gü. ²⁴'Yiëë- 'piö kö pë 'ö ka =dua' 'ka -zo yö -sü 'gü bhë 'yi ka 'gbee- -ta bho -a -wun 'ka, bhii ka gia- 'ka kē 'gengen -a 'gü. Yi- 'piö -zian' kö kwa 'ple 'kwa 'dho kwa 'kuë- ka -bha =zuögludhi 'gbloo 'piö.

2 ¹Pë -kē 'ö n 'ka nu ka 'piö 'ma gbɔ bhë 'ö tɔɔ -yö kē 'dhö kö -kun ka wö dho -siö. ²Ka =ne 'ka tɔɔ ma =zuögludhi -wun. =Ya kē =ne 'ma ka wö -siö, ma 'gludhi -yö -dho 'go mē 'zü ii? ³Pë 'ö -kē 'a 'sëëdhe =ne 'a- bɔ bhë 'ö bhë -yö kē 'dhö kö -kun 'ö 'a nu 'ma 'ö mē 'ö 'ka dho n =zuögludhi bhë 'ö 'ka n wö -siö. Bhii ma -de gia- a- =tei' dɔ =ne n =zuö' 'glu =ya dhi 'ö ka -de 'pö 'ö 'ka kē =zuögludhi 'gü. ⁴'Ma =nëng giagiawo, n =zuö' -yö 'zëzëdhe 'kun -na; 'gbo -de -yö -da -na n 'ka, 'ö tɔɔ 'sëëdhe =ne n 'ka- bɔ kö -yaan ka =zuö' -kaan' 'kuë 'këe kö -yö kē 'dhö kö -dho =suu' -'ö n 'gü ka buëndhö bhë 'kaan- 'zü yö.

Me 'ö 'wun 'ö 'dhö bhë -a -kë -ziö -a -bha 'wun =zaa' -sü -ta -sü.

⁵'Ö =ya kē =ne wö -siödhe -wun bhë -a -gen -go -a -ta -me =ya kē -dhö kö ma kun 'ö n wö -siö; kö mē 'bhaa -nu -mü ka ziën =zian'; -a -de 'ö =ya kē =ne n 'dhi =ya kē -së, a -dho -a pö kö ka 'ple =ne 'ö ka wö -siö bhë. ⁶'Kan 'ka- wo -a -zü bhë =ya -mɔ -a -bha; 'klobhɔdhe =va -mü 'ö ka- wɔ -a -ta bhë kö kē =ne ka 'ple 'kaa -mü, 'këe ka =va 'ka -ziö mē -nu 'wo to -an -ta. ⁷-Yö 'to 'dhö; pë 'ö 'ka dho -a kē =zian' 'ö tɔɔ -ziö -a -bha 'wun =zaa' -sü 'ö bhë -a -ta -sü kö 'kaan- nu -a -dhë. -Yö kē 'dhö kö -kun 'ö wösiödhe =va dho -a =faan' bho -a 'gü. ⁸A- -dhe ka -gɔ =zian' kö 'ka 'dho -a 'piö -a -dho 'ka. ⁹-Ka -dhe -ga, 'sëëdhe 'ö =ne -a -bɔ ka -dhë -gen =ga =ne: A- -ya n -zo 'piö kö 'a ka =zuö' -ga 'kö -kē =ne ka =tun n -wo =bhlë -ya kö 'aan- =tei' dɔ. ¹⁰-Ya kē =ne 'ka ziö mē -bha 'wun =zaa' -sü -ta, kö ma -de 'pö, a -dho ziö -a -bha 'wun =zaa' -sü -nu -ta. Bhii =ya kē =ne mē =ya kē -dhö 'aan- ziö -a -bha 'wun =zaa' -sü -ta kö a- -kë ka -wun 'gü Klito wö 'dhiö, ¹¹-yö kē 'dhö kö -kun 'ö Satan -kɔ dho ziö kwa -gɔ, bhii 'ö tɔɔ kwa gia- kwa- këwun -nu -dɔ -së 'ka.

Pölö -bha =zuö' -to zlöö -wun 'ö -kë Troasö

¹²-Dhe 'ma -lo Troasö kö 'wuntaɔsë 'ö -gban Klito -bha 'aan- =bleë'-, -yö -kë Dëme -zo 'kun -wun 'ka, 'ö n 'yan -yö -da yuö do -ta mü kö 'aan- kë -bezë. -Yö -kë 'dhö, 'këe n =zuö' -yö -kë -to zlöö -sü 'ka 'ö tɔɔ n 'ka -kpën kwa dheglu Titö -bha mü. ¹³-Dhe -kë 'pö kö a n -wo -da -na Troasö -mē -nu -dhë a 'dho -na Maseduanë.

-To -a 'gbee- 'ka -sü 'ö Yesu Klito 'gü

¹⁴'Këe -Zlan 'ö -to -a 'gbee- 'ka -sü nu -na bɔa Klito -ta -sü 'ka bhë -a 'tɔ -yö kē =va. Yö =ne 'ö kwa bɔ -dhe 'saadhö -a -bha kö 'kwaan- Klito 'tɔ -pën

-ne -ko 'ö pë 'yi 'tëë -sëëzë 'tëë 'dho -pen -na -a 'ka -dhe 'saadhö 'gü bhë -a 'dhö. ¹⁵Kwa -kë -ne 'güö -pë 'tëë -sëëzë 'ö Klito -ya nu -Zlan -dhë -a 'dhö. -A -de kwa- 'ka me -nu 'ö -wa dha waa- me -nu 'ö waa dha -an ziën. ¹⁶Me -nu 'ö waa dha bhë, pë 'tëë -sëëzë 'ö 'kwa- 'ka bhë, kwa -an -gɔ me zë -pë 'yi 'tëë 'ö dho me 'ka ga -dhe -bha -a 'ka; 'ö me -nu 'ö -wa dha -an -bha 'ka, -yö -kë -a 'gü -sü pë 'yi 'tëë -sëëzë 'ö dho me 'ka -kë -a 'gü -dhe -bha -a 'ka. -Dhe -kë 'dhö =ne, dö 'ö- -ko -dho -mɔa -bha kö -yaan pë =suu'- ne -a kë =εε? ¹⁷Ö tɔɔ 'kwaä kë =ne me 'bhaa -nu 'wo pë =mεε -Zlan -wo =blεε' -sü 'gü bhë -an 'dhö. -Abi'; -dhe -kë =ne -Zlan =ne 'yö kwa bɔ =zian', yö =ga 'kwa 'wun =blεε' -a 'dhiö kpengdhö =ne Klito -bha yuökëme -nu 'wun =blεε' -ko 'dhö bhë.

-Dhikuëdhe -dëü 'gü -yuökëme -nu

3 ¹'Wun =blεε' -ko 'ö 'dhö bhë 'yië- wo 'dhö, yi -dho ye yi 'zü 'zü 'yi yi -de sü =va =a? 'Tin yi -dho -a kë 'zü =ne me 'bhaa -nu 'dhö, 'ö 'yi me -kɔɔn -wo 'sëëdhe bɔ ka -dhë, 'iin 'ka =ne 'ö 'ka dho ka -bha bɔ yi -dhë =ee? ²Ka gia- 'ka tɔɔ yi -bha 'sëëdhe =been' -yan 'ö -ya -sü 'ka yi =zuö' 'piö; me 'ple -wa -dɔ, 'go mü 'wo- pö; ³-yö gia- 'ka =ne ka Klito -bha 'sëëdhe =been' -yan 'ö 'yi- bɔ -a 'ka. Yaa =been'- 'sëëdhe =been' -pë 'yi 'ka, 'kεε -yö =been' -sü 'ka -Zlan 'ö 'bhee- -a -bha -Zuu 'slööslö 'ka. 'Yaa =been' -sü 'ka 'zü -guö 'fa -bha 'kεε me bheedhe =zuö' 'gü. ⁴Yi -yɔɔn 'wun 'ö bhë -a -ta -gen 'ö tɔɔ -zo 'tën -sü -yö yi -gɔ -Zlan -dhë Klito 'gü. ⁵Pë 'ö mü 'ö tɔɔ yi 'ka 'dhoë- pö yi gia- yi -ko -yö -mɔ -a -bha kö 'yiën- pë -nu kë yi -de =kwaä'. Pë 'ö- -gen -yö go -Zlan 'piö yö =ne 'yi -mɔ -a -bha kö 'yiën- -a kë. ⁶Bhii yö =ne 'ö- -kë 'ö 'wun 'ö -gban -dhi 'kuë -dëü 'ö waa- tɔng 'ö -an -bha pë gbe 'yaa 'ko 'piö bhë, 'kεε 'ö -Zuu 'slööslö -bha 'wun 'piö bhë 'ö 'yi -kë -a -bha yuökëme 'ka. -Ka -dhe -ga, tɔng -bha yuö tɔɔ me zë -sü; 'kεε -Zuu 'slööslö -zë, -kë -a 'gü -sü =ne 'ö- nu me -nu -dhë.

⁷Tɔng -yö =been pë =been' -yan do do 'ka -guö 'fa -nu -ta, 'ö -Zlan -bha 'piigbeedhe -yö bhü -a 'tɔng 'ö 'dhö bhë -a 'ka; Moizö wöödhe 'bhü -ko 'ö -kaa', 'ö Izlaelö -me gbe yaa kë -dhö kö -yö -dhe -ga -a wöödhö, 'kεε kö 'bhü -ko =suu'- 'ö 'dhö bhë -yö kë ziö -pë 'ka 'ö bhë. -Dhe tɔng 'ö- -bha yuö 'ö dho -a kë 'ö -kë -dho me 'ka ga -zian 'piö -sü 'ka 'ö 'piigbeedhe =suu'- =ne 'ö -kë -a 'piö, ⁸kö -Zuu 'slööslö -bha yuö -nu -mlë 'ö 'piigbeedhe =va yaa 'dho kë -a 'gü ! ⁹Yuö me 'ö -kë me -da 'gan 'gü -yuö 'ka =ne, -dhe 'ö- 'tɔ 'dho bhɔ -sü, kö yuö me 'ö -kë me -kë kpengdhö -sü -yuö 'ka -Zlan wö 'dhiö, 'tɔbhɔdhe =suu'- -mlë 'ö dho kë -a 'piö -oo! ¹⁰Kwa -dho -mɔa -bha 'kwa- pö 'tɔbhɔdhe 'ö -kë 'tɔng -nu me 'ö =wa ziö =ne -a 'gü waa- 'tɔbhɔdhe me 'ö =dεε =ne -a 'gü bhë -an -zɔn 'kuë -dhe gbe 'yaa 'dhö, bhii -a me 'ö =ne =yö =va. ¹¹Ka gia- -ka -dhe -ga bhë 'dhe! Pë 'ö 'tɔng 'bhe 'tee -kë, -dhe 'ö 'tɔbhɔdhe 'dhö -kë -na -a -gɔ =ne, kö -a me 'yö dho =gɔɔ =toëpö 'ka bhë -a -bha 'tɔbhɔdhe -yö -dho kë mü -dhë =εε?

¹²Zogbandhe =va =suu'- 'ö =ne -a -bha -kë kwa -gɔ -sü -gen -yö -go -zoyösü =suu'- 'ö kwa -gɔ pë -nu 'wo bhë -an -wun 'gü bhë -an 'gü. ¹³Kwaa =ne Moizö 'dhö. Bhii 'ö tɔɔ 'kpa bhë, Moizö -yö sɔ -lo ö wöodhö -yö kë 'dhö kö -kun 'ö Izlaelö -mɛ -nu dho -a 'bhü 'ö dho -ziö bhë 'wo dho wo 'yan dɔ -a -bha. ¹⁴Kɛɛ dɔ 'ö 'kwa- wo =dɛɛ =ne =wa 'dho zlöö -an =zuöga -ya kë 'glɔɔglɔ. Bhii -dhikuédhe 'sëédhe -be zii bhë =waa- 'dhi 'po, =waa- pö, 'waa- 'gü ma. -Yö kë =ne pë 'wo- pö sɔ -yö -lo -sü 'ka -a -ta -a 'dhö =ne -kɔ 'ö sɔ -yö -kë -lo -sü 'ka Moizö wöodhö bhë -a 'dhö. 'Kɛɛ sɔ 'ö -lo -sü 'ka -an wöë- bhë, 'yaa -mü me 'ö -klu -sü 'ka Klito -bha -a -bha 'ka. ¹⁵'Ö =dɛɛ =ne -a 'gü bhë, Zuifö -nu =wa Moizö -bha 'sëédhe -be -nu pö, sɔ -yö =tun -lo -sü 'ka -an -bha 'wundɔdhe -ta. ¹⁶'Kɛɛ pë 'ö =bɛɛn' -sü 'ka -ya -pö: Mɛ 'ö =ya =dhië'- Dëmɛ 'piö kö sɔ 'ö bhë =ya 'go mü. ¹⁷Dëmɛ 'ö pë =bɛɛn' -yan -yö 'wun -gban -a -bha 'ö- =blɛɛ zö =ne 'ö tɔɔ -Zuu 'slööslö, 'ö -dhe -Zuu 'slööslö 'dhö -a -bha kö -dhe bhë -potaasü -ya -bha. ¹⁸Mɛ -nu 'saadhö 'ö kwa 'yan =ya 'po, kwa 'yan =ya -kpɛn Dëmɛ -bha 'tɔbhɔdhe -bha; -kɔ bhë =ne 'kwa dho =dhië'- -a 'ka -kwaa kö 'kwaan- kaa =ne Dëmɛ 'dhö, 'go mü 'kwaan- bɔ 'tɔbhɔdhe -nu 'gü 'kwaan- 'tɔbhɔdhe =va yöë 'zü. Dëmɛ -bha -Zuu -bha -kë kwa 'gü -sü =ne 'ö pë -nu bhë 'wo dho kë -a =kwaa'.

'Wun 'ö -gban 'tɔbhɔdhe waa- lë- -wun -an -bha

4 ¹Zlan -bha 'glusë 'gü, -yö yuö 'ö =ne -a -wun -sü 'ö- tɛn yi -bha. Pë 'ö -kë 'ö yi 'gü 'yaa ga bhë 'ö bhë. ²Yi -kan këwun -nu 'wo -bin -sü 'ka yi 'gü 'ö 'wo lëzë bhë -an -bha; 'yiëë 'wun kë -gleng 'ö mɛ -püö -sü 'dho -a 'gü waa- -Zlan -wo -kë =suazëmɛ -nu 'ka. Pë 'ö 'yi- -kë =zian' 'ö tɔɔ 'wun giagia =blɛɛ'- 'yi- wo kpengdhö. -Yö kë 'dhö kö me 'ö -dhö =ya =yaannu diindhö =ya ö -zo 'ta, -yaan yi këwun -nu 'iin yi pö -pë -nu -dhe 'wun gia-. ³Kɛɛ kë- wo 'dhö bhë =ya kë =ne 'wuntaɔsë 'yi- =blɛɛ' -na bhë -yö -bin -sü 'ka, 'ö- -gen ma -sü 'yaa 'dhö kö me -nu 'ö 'wo 'gü =siö' -zian -ta bhë, 'yö -an -dhë -bin -wun 'ka. ⁴'Waa- -dhe 'wun gia-, bhii 'ö tɔɔ dü 'ö -an =kɔɔnme 'gluyaaazë 'ka 'kpongtaa zö bhë =yaa- -an -bha 'wundɔdhe 'dhi ta. -Zlan 'gluyaaazë 'ö 'dhö bhë 'yaa 'we -a -bha -an -gɔ kö -wo -dhepuudhe -wun 'ö- =blɛɛ' -na 'ö -gban Klito 'ö -Zlan 'bin gia- 'ka bhë, -wa -bha 'tɔbhɔdhe 'bhü yö. ⁵-Ya kë =ne yi -Zlan -wo =blɛɛ' -na, 'yiëë yi -de gia- -wun =blɛɛ'; 'kɛɛ Yesu Klito 'yi 'wun -gban -a -bha 'yi- =blɛɛ =ne yö 'ö tɔɔ kwa Dëmɛ; =ya kë yi -zë yi 'ka, yi yi -de -kë yuö -kë ka 'dhiö -me 'ka Yesu -wun 'gü. ⁶-Zlan 'yö- pö -dhepuudhe -yö 'bhü -dhetiidhe 'gü bhë, yö gia- bhë =ne 'yö ö -bha -dhepuudhe bhü kwa =zuö' 'gü kö -kɔ 'ö- -bha 'tɔbhɔdhe 'dho 'bhü -na -a 'ka Klito wöodhö bhë -yaan -a -ta 'po kwa -dhë 'kwaan- dɔ.

⁷'Kɛɛ kwa 'ö 'kwa =bhɔɔpë 'ö -Zuu 'slööslö 'gü =zian' 'kwa- bun -na bhë, kwa -kë =ne 'sɛ gbɔ 'ö- 'wü -sü 'yaa =gbiin bhë -a 'dhö, kö mɛ -nu -waan -a dɔa =ne 'piigbeedhe 'gblüünzë bhë -yö -go -Zlan 'piö, yaa 'go kwa 'gü.

⁸'Klobhɔdhe =suu'- 'saadhö 'ö- bundhe 'dho 'gbee-, -yö -nu yi -ta, 'kɛɛ 'yiëë

'to -a 'gü; -ya kē 'ö yi -zuö' -yö -to -zlöö, 'kæ -zoyösü 'yaa 'go yi 'gü. ⁹Me -nu -wo 'wun -wɔ yi -ta, 'kæ -Zlan -zlö 'yaa trö yi -wun 'ka; me -nu -wo yi -kun, 'wo yi zē -dhe -kē wo; 'kæ 'yiëë 'to -an kwæe sia- mü; yi -luu. ¹⁰Yesu -bha ga -sü bhē -yö yi 'gü -kplawo; -yö kē 'dhö kö -a -bha -tosiadhe kē -kɔ -yö kē yi 'gü 'pö. ¹¹'Ö yi -bha -tosiadhe kē -sü 'gü 'yi dɔ -sü 'ka ga -sü kwæe Yesu -wun 'gü, -yö kē 'dhö kö -a -bha -kē -a 'gü -sü -yö -tosiadhe kē yi 'sebun 'ö dho ga bhē -a 'gü. ¹²-Kɔ 'ö bhē -nɛ 'ö yi -bha -Zlan -wo -blee' -sü 'gü, 'yi dho ga 'kæ kö ka -zē 'ka -kē -a 'gü -sü yö -a 'gü -zian'.

¹³Pë 'ö -been' -sü 'ka -ya -pö -nɛɛ: 'Wun -dhe 'a- wo 'wun gia- bhē -nɛ 'a -kē -a -dhē 'wun -blee' -mɛ 'ka. -Kɔ do bhē -nɛ, -dhe 'ö 'yi Yesu -wun -dhe 'wun gia- 'yi 'wun -nu -blee' -na -a 'ka bhē. ¹⁴Yi- dɔa' -nɛ -Zlan 'yö Dème Yesu bho ga 'gü bhē, -yö -dho yi bho ga 'gü yi -kpa Klito -bha -sü 'ka, 'ö mɛ 'plɛ 'kwa dho -a wö 'dhiö. ¹⁵Pë -nu 'wo 'dhö 'saadhö bhē -wo -wo ka -wun 'gü. Bhii -kɔ 'ö -we -Zlan -wo -bha -mɛ -nu dho kaa -va bhē, -kɔ gia- bhē -nɛ 'ö -sɛɛbhodhe -nu dho kaa -va -yaan dhoë -Zlan 'piö -a -bha 'glusë -va -wun 'gü, kö -yaan kē -a -bha 'tɔbhodhe 'ka.

-Tosiadhe kē -sü 'ö -zo yö -sü 'gü

¹⁶Pë 'ö -kē 'ö yi 'gü 'yaa ga bhē 'ö bhē. 'Kö -kē -nɛ yi bun 'ö 'kpongtaa zö bhē -a 'gü -yö -siö 'dhee, -yö yi 'yaan 'ka -nɛ -këdhösü 'ö -Zlan -ya nu yi -dhē bhē -yö -gla -dhekpaɔyi 'saadhö 'ka 'ö -kē -dëü -zian'. ¹⁷'Kö -kē -nɛ 'klobhodhe 'tee -mü 'ö nu yi -ta 'töng 'tee -bha 'dhee, -a 'dhiö -to -kplawo 'tɔbhodhe -wun -va 'ö dho kē -toëpö 'ka -a 'ka yi -bha 'ka, 'ö- -zuan' gbe 'yaa 'dhö. ¹⁸Bhii kē- wo bhē, 'yiëë yi wö kē pë 'ö 'yan -bha -kpën -a -bha -pë 'ka- 'piö, 'kæ pë 'ö 'yaa 'yan -dɔ -a -bha -pë 'ka -zian'. Bhii pë 'ö 'yan -dɔ -a -bha -pë 'ka bhē 'yaa -glɔɔ, 'kæ pë 'ö 'yaa 'yan -dɔ -a -bha -pë 'ka bhē -yö -to 'dhö -toëpö 'ka.

5 ¹Kwa gia- kwa- -tei' dɔ -nɛ 'kö -kē -nɛ kwa 'sebun 'ö -kē -nɛ sɔ 'kɔ 'ö 'yaa -glɔɔ -a 'dhö bhē -yö -siö, kwa 'yan -yö pë do -bha; 'ö tɔɔ kwa -yadhe do 'ö 'yaa mɛbheedhe -kɔ kɛpë 'ka 'ö -Zlan -de gia- -nɛ 'ö- dɔ bhē -yö -ya -sü 'ka kwa -gɔ dhang- 'gü. ²Kwa -zo -nɛ 'kwa- -lo -sü 'gü zlöö -bha, bhii 'ö tɔɔ pë 'kwa- 'piö zlöö 'ö tɔɔ 'kwa 'dho kwa -bha kédhe 'ö dhang- -nu 'gü -a -bha. ³-Dhe 'ö 'dhö, 'kwa -dho bun -dëü -da kwa -bha -yö kē 'dhö kö -kun 'kwa dho -lo 'ma kwa 'kpaan 'ka. ⁴-Ya kē -nɛ 'kwa 'to kwa 'sebun 'ö -nɛ -a 'gü -kplawo, kwa -dho kwa -zo -lo -nɛ pë 'wo- pö 'kpa -yö -kwæe- 'gbiin- -löö -a 'dhö. Yaa kē -nɛ kwa- 'piö kö 'kwa kwa 'sebun 'ö- 'gü dho -siö' -nɛ 'kwa 'go -a 'gü; 'kæ pë 'kwa- 'piö 'ö tɔɔ kwa dhang- 'gü -bun 'ö- 'gü 'yaa -siö' bhē -yö kē kwa -bha -yö kē 'dhö kö pë 'ö gapë 'ka kwa 'gü bhē, -yö -slëë' -ta kö -kē -a 'gü -sü -yaan kē kwa -gɔ. ⁵-Zlan gia- bhē -nɛ 'yö kwa -ya kö -dhië -kwaa -kɔ -suu' -'ö bhē 'kwaan- bɔ -a 'gü, 'go mü 'yö -Zuu 'slöösLö nu kwa -dhë kö -yaan -zɔn kwa -dhë -nɛ pë -nu 'ö- -ya kwa -gɔ bhē -wo -dho kē -to kwa -gɔ -pë -nu 'ka. ⁶Pë 'ö -kē 'ö -faan' 'dho yi -gɔ -kplawo

bhë 'ö bhë. Kwa gia- kwa- -tei' dɔ -ne -a 'ke 'kwa -tun kwa bun 'ö -ne -a 'gü kö kwa kwa Dëme -bha kédhe 'ka -gbiin. ⁷Bhii 'ö tɔɔ 'ta 'sü -kɔ 'kwa- 'sü -na -a 'ka zö -ne, kwa- -sü -zo yö -sü 'gü. Yaa kè -ne pè 'wo- pö kwa 'yan -ya dɔ -a -bha 'ö 'kwa 'dho -na -a -gɔ -a 'dhö. ⁸(Kεε kè- wo 'dhö bhë,) yi pa -sü 'ka -faan' 'ka 'ö 'yi- 'piö kö 'yi 'go yi bun 'ö -ne -a 'gü kö 'yi 'dho kwa Dëme 'piö -a -yadhe -bha. ⁹Kεε pè mε 'ö- -wun 'dho 'gbee- yi -gɔ 'ö tɔɔ 'kö -kè -ne yi -tun bun 'ö -ne -a 'gü oo 'iin yi -dho go -a 'gü oo, yi kè -Zlan wö 'dhiö 'kpèdhö. ¹⁰Bhii 'ö tɔɔ kwa 'saadhö kwa -dho -wo Klito wö 'dhiö kö yö gia- -yaan kwa -bha za 'kan, -yö kè 'dhö kö me 'ö -dhö, pè 'ö- -kè kö -yö -tun bun -ne -a 'gü bhë -yö pè -sè 'ka oo, -yö pè yaa 'ka oo, kö pè mε 'ö dɔ -a -tian', -yaan nu -a -dhë.

Dhidhe 'ö Klito -ya -da kwaa- -Zlan -nu kwa ziën

¹¹Pè 'wo- -dhe -suö Dëme -dhë -sü bhë kwa 'saadhö kwa- -dɔ. Pè 'ö -kè 'ö 'kwa- kédhe =mεε' -na kö me -nu -wo -Zlan -wo -dhe 'wun gia- bhë 'ö bhë. -Zlan -yö kwa -dɔ 'fɛfɛdhö; 'a n -zo 'ta =ne ka -de gia- ka n -dɔ 'pö. ¹²'Yië- 'piö kö 'yi yi -de kè -sè ka wö 'dhiö kö 'kaan- bɔ yi 'ka 'kεε pè 'yi- 'piö 'ö tɔɔ 'ka kè 'gɔugɔ yi -wun 'gü. =Ya kè 'dhö mε -nu 'wo wo -de 'sü -na -va, 'wo 'wun 'ö -gban mε 'bhee- plaan -dhe -bha 'wo- -ga -na -bhlézé mε =zuö' 'piö -wun -bha bhë, 'ka dho 'wun =blεε' -an -dhë -kɔ dɔ. ¹³'Ö =ya kè -ne yi 'blɔɔnzé kö yi- 'ka -Zlan -bha 'ka, 'kεε 'ö =ya kè -ne yi 'wun -dɔ, kö ka -bha -mü yi 'ka. ¹⁴Bhii -dho 'ö Klito -ya -kè kwa 'ka bhë, -a 'siö -yö dɔ -na yi -ta; pè 'ö -kè 'yi- -bha yuö kè -na bhë. 'Ö tɔɔ yi -zoyösü -mü -ne yö Klito -mε dosen -ne 'ö ga kwa 'saadhö kwa -wun 'gü; =ya kè 'dhö kö -a -bha ga -sü bhë kwa 'saadhö, mε 'ö -dhö =ya ö -bha wo. Kwa 'saadhö, 'wun bhë 'kwa -dhe yö -a 'gü, Klito -bha -dho -yö -gɔ -dhe kè -na kwa 'gü. ¹⁵-Yö -ga mε 'saadhö kwa -wun 'gü -yö kè 'dhö kö mε -nu 'wo -tosiadhe kè -na bhë kö -kun 'wo dho -a kè wo -de -bha 'ka, 'kεε kö -wa kè zlöö mε 'ö ga, 'go mü 'ö go ga 'gü bhë -a -bha 'ka =zian'. ¹⁶=Ya kè 'dhö zlöö kö kwa 'ka 'dho me gbe -ga -a mεbheedhe 'ö plaan =zian' -a -kwaa gbɔ; 'kö -kè -ne kwa Klito -ga 'dhiö =zian' -ne -kɔ do bhë -a 'dhö -a -bha -kè mε 'gü ga -zè 'ka -sü -wun 'gü, =ya kè kwa 'yaan -ne 'yaa 'dhö 'gbönggböng, 'kwa- dɔa 'dhö. ¹⁷Mε 'ö =ya kpa Klito -bha kö =ya kè mε -dëü 'ka, kö pè ziizii -nu 'wo 'dhiö -wa ziö; kö -a -bha pè 'ple =ya kè -dëü. ¹⁸Pè -nu 'wo 'dhö 'saadhö bhë, -wo -go -Zlan 'ö dhidhe -da kwa -nu kwa ziën kwa -bha -kpa Klito -to -bha -sü 'ka, 'go mü 'ö yuö 'ö -gban -dhi 'kuë- -yuö -nu -bha 'ö- -wun tén yi -bha kö yö 'dhö waa- mε -nu 'wo to 'yiën- kè kö dhidhe -yaan -da wo -nu wo ziën. ¹⁹Bhii -Zlan -yö -bɔ Klito 'gü kö -yaan dhidhe -da waa- mε -nu 'saadhö wo ziën ö -zo -bho mε 'bhee- -nu -bha 'wun =zaa' -sü -nu 'piö -sü 'ka; 'ö -dhi 'kuë- -yuö bhë 'ö- -wun tén yi -bha kö 'yiën- -a -wun =blεε'. ²⁰=Dhe 'ö 'pö kö 'wun -nu 'yi- =blεε' -na ka -dhë bhë yi- =blεε Klito =woë' -ne -kɔ 'ö -Zlan -de gia- -yö ka =dhɔɔ -kaa' -a -bɔ yi 'gü -sü 'ka bhë -a 'dhö. =Dhe 'ö 'dhö =bhεa'

'yi- wo ka -dhë Klito 'tɔ 'ka kö 'ka dhi -Zlan 'ka. ²¹-Sɔɔn yaa gbɛ yaa kɛ Klito -bha, 'kɛɛ -Zlan -yö kwa -bha -sɔɔn yaa -wun -lo -a tuö kwa -wun 'gü, -yö kɛ 'dhö kö kwa -bha -kpa Klito -bha -sü 'gü kö 'kwaan- kɛ kpengdhö -bɔa' pɛ 'ö -Zlan dhoë- kɛ kö -yaan Klito kɛ kpengdhö bhë -a -ta -sü 'ka.

6 ¹-Dhë 'ö 'pö mɛ -nu 'yi yuö kɛ -na -Zlan 'piö bhë, yi -dhe ka -gɔ kö -kun 'ka ka -kwaä 'glusë 'ö- -kɛ ka -dhë bhë -a -zü 'ö 'ka dho -bo -a 'gü. ²Bhii -Zlan -wo 'ö -bɛɛn' -sü 'ka -ya -pö: 'Töng -së 'ka, a n 'to -kë ü -wo -bha; 'ö dha -yi 'ka 'ö 'a- dɔ ü -gban -gɔ. -Dhë 'ö 'dhö -a 'töng -së 'ö bhë yö -ga 'ö -nɛ, -ka 'we -a -bha!

³Yië- 'piö kö mɛ -nu -wo 'wun yö yi 'ta -kɔ -bha kö -yaan 'dho kɛ -an -gɔ yi -bha yuö -zë 'dhi -gen 'ka, -a -wun 'gü -nɛ 'yië- 'piö kö pɛ 'ö dho go yi 'piö -yaan kɛ -yɛ mɛ -bha -pɛ 'ka -yö kɛ 'dhö kö mɛ -nu -waan bɔ -a -ta -waan yi -wun -blɛɛ'. ⁴Pɛ 'yi- -zɔn ö 'plɛ 'ka 'ö tɔɔ -Zlan -bha yuökɛmɛ -nu -mü yi 'ka. Yi yi -zuö' -kun sia- 'klobhɔdhe -nu 'gü, 'yena -wun -va -nu 'gü 'iin 'siökangluudhe -va -nu 'gü. ⁵-Wo yi -ma, 'wo yi -zuö -kanso 'kɔɔdhö; -wo 'dhinaa -kɛ yi 'piö kö yi yuö 'gbee- -nu kɛ -na, -to 'yaan -sü -nu waadin -nu -an 'ka. ⁶Yi yi -de -zɔn -nɛ -Zlan -bha yuökɛmɛ -nu -mü yi 'ka yi -bha -zuö' -kɛ 'puu -sü, yi -bha 'wundɔdhe -nu, yi -bha -zuösaadhe kɛ -sü, yi -bha 'wun -së -kɛ -Zuu 'slööslö -kwaä' -sü waa- yi -bha -a -dho -kɛ mɛ -nu 'ka -sü giagia, ⁷yi -bha -Zlan -wo 'ö 'wun giagia 'ka bhë -a -wun -blɛɛ' -sü waa- -Zlan -bha 'piigbeedhe -bha -nu yi -dhë -sü -nu -an 'ka. Pɛ 'ö kpengdhö -nɛ 'yi- sü 'yi- -kɛ yi -bha -dhaa 'ka kö 'yië- dhoë mɛ -gɔ, 'iin kö -yaan kɛ yi bho pɛ yaa -gɔ -pɛ 'ka. ⁸-A 'bhaa -nu -ya kɛ -wo yi -bhlë -ya, 'ö- 'bhaa -nu -ya kɛ 'wo lɛ- kpɔ yi -ta; -ya kɛ -wo 'wun -së -blɛɛ yi -gɔ, 'ö -ya kɛ 'wo 'wun yaa -blɛɛ yi -gɔ 'pö. -A 'bhaa -nu -ya kɛ -wo yi -ga -suakɛmɛ -nu 'ka, 'kɛɛ kö 'wun gia- -nɛ 'yi- -blɛɛ, ⁹-wo yi -ga -nɛ mɛ 'ö 'waa -an dɔ -an 'dhö 'kɛɛ kö mɛ 'kpeɛkpe -wo yi -dɔ; 'wo yi -ga -nɛ mɛ -nu 'ö -waa -an 'dhö 'kɛɛ kö yi 'bhee-, 'ö ka gia- 'ka- yöë. -Wo za -lo yi tuö, 'wo yi 'klo bhɔ 'kɛɛ waa yi zë 'sa! ¹⁰'Wo yi wö -siö 'kɛɛ yi -zuö' 'glu -yö dhi -sü 'ka -kplawo. -Wo yi -ga mɛ 'fɛɛzë -nu 'ka 'kɛɛ kö yi mɛ -nu -kɛ -bhɔɔzë; -wo yi -ga -nɛ mɛ -nu 'ö pɛ gbe 'yaa -an -gɔ -a 'dhö 'kɛɛ kö pɛ 'plɛ -yö yi -gɔ.

¹¹Dhegluzë -nu 'ka Kolentö, 'yië yi -zuö' 'piö -wun -blɛɛ' -ka -dhë. ¹²Yië yi -zuö' 'piö -wun -nu gbe -bin ka -gɔ, 'kɛɛ ka -zë ka ka -bha -bin yi -gɔ. ¹³-Dhë -kɛ 'dhö, a ka -sü -nɛ ma 'në -nu 'dhö; a- -pö ka -dhë: -Ka ka -zo 'ta yi -wun 'gü -nɛ -kɔ 'ö yi -zo 'dho -a 'ka ka 'piö bhë -a 'dhö!

-De 'kun mɛ -nu 'ö 'waa -Zlan -bha mɛ -nu 'ka -an -gɔ -sü

¹⁴Kö -kun 'ö mɛ -nu 'ö 'waa Yesu -wun -dhe 'wun gia- -mɛ -nu 'ka 'ö ka -nu kaa- pɛ -yö -kɛ do, bhii mɛ -nu 'ö ka -nu ka -bha 'wun dho kɛ do wo kun bhë. -Yö -dho kɛ -kɔklë kö pɛ 'ö kpengdhö waa- pɛ yaa -wo kɛ wo 'kuë- -ɛ? -Yö -dho kɛ -kɔklë kö -dhepuudhe waa- -dhetiidhe -wo kpa wo 'kuë- -ɛ? ¹⁵-Yö -kɔklë 'ö Klito waa- dü 'wo 'wun ma wo 'ko -ta -ɛ? 'Go mü

'zü Yesu -wun -dhe 'wun gia- -me waa- me 'yaa- -wun -dhe 'wun gia- -me 'ka -an -bha -më -wun 'ö dho kè 'kuë- do =e? ¹⁶-Yö -dho kè -kòklè kò gbapè -nu gbadhe -yaan kè -Zlan -gba -a 'gü -kò 'ka ε? -Më 'ö dho -a -mæ' -dhia 'ma ε? Bhii kwa 'kwa tɔɔ -Zlan 'ö 'bhee- -a -bha kédhe mü =ne -kò 'ö yò gia- 'ö- pöë -a 'ka 'dhö =næ: «N kédhe waa- n -wɔdhe -yö -dho kè -an ziën, a -dho kè -an -bha -Zlan 'ka kò wo -zè -waan kè ma 'segümë -nu 'ka.»
¹⁷⁻¹⁸-A -wun 'gü =ne 'ö Dëmë 'piigbeežë -ya pö: «-Ka 'go -an ziën, 'ka bho -an -dhë =taa', kò -kun 'ö 'ka pa pè 'ö -dhuuzë -a 'ka! -Ya kè 'dhö, ka -dho kè ma 'kɔɔmë -nu 'ka, 'a -kè ka Dë 'ka, 'ö 'ka -kè n gbö -nu, n 'dhu -nu -an 'ka.»

7 ¹Pè 'tò 'go -wo -nu 'wo =ne -an 'plë -wo kwa -bha pè -sè 'ka, n dhegluzë -nu. =Dhe -kè 'dhö, -kwa kwa -de kè 'slöösLö pè 'yö dho kwa bun waa- kwa nii -an kè -dhuuzë -an -gɔ, 'kwa kwa 'gü dɔ 'gbee- 'kwa -kè 'slöösLö -sü =mæ' -'kwa dhoë 'dhiö -kplawo kò kwa 'ta 'sü -kò -yö -kè -suö -Zlan -dhë -sü 'gü.

Pölö -bha =zuögludhi -wun

²-Ka ka =zuö' 'dhi 'po yi -gɔ! Bhii yiëë pè yaa gbe kè me 'ka, yiëë me gbe -bha 'wun -nu 'gü =siö'-; yiëë 'wëü- sü me gbe 'gü. ³'Wun -nu 'wo =ne n 'ka- =bleë'- kò 'aan- za -lo ka tuö. 'Ö tɔɔ 'ma- pö 'saadhö =ne ka yi -bha me -nu -wungbeežë -nu 'ö -kè =ne dha -sü -wun -nu -mü oo, 'iin ga -sü -wun -nu -mü oo, 'ö 'kwa dho to kwa 'ko 'piö -an 'ka. ⁴A n -zo -yö ka -bha, 'ö 'a 'gɔugɔ ka =wuën'; =faan' -yö n -gɔ, 'ö n =zuö' 'glu 'dho dhi -sü 'ka -kplawo, 'kò -kè =ne 'yena -wun -nu -wo -nu yi -ta 'dhee. ⁵Bhii -dhe 'yië 'dho 'yië -lo Maseduanë, yiëë yi 'tee pa. 'Wun -nu -wo yi -yö -kò 'saadhö 'plë -ta; 'wun -nu -wo -da -na yië- me 'bhaa -nu yi ziën kò 'suö -yö -da -na yi =zuö' 'gü. ⁶'Kεε -Zlan -ya kè 'yö =faan' nu -na mε -nu 'ö 'wun =ya -an kun 'iin 'ö -an =zuö' =ya 'to zlöö 'wun 'bhaa -nu 'gü -an -dhë bhë -ya kè 'ö Titö -yö nu yi 'piö 'ö yi =faan' më. ⁷Yaa kè =ne -a -bha nu -sü -wun do 'sloo =ne 'ö yi =faan' më; 'kεε -a =faan' 'më -kò 'ka- =kaa' bhë 'ö nu 'ö- -wun =bleë 'nö, 'ö -kò 'ö 'ka -ya -sü 'ka kwa -bha -kpën 'kuë- -sü =wuën', 'ö 'ka 'gbo -nu bɔ -na n -wun 'gü 'iin 'wun -nu 'wo -gban n -ma -kè -a 'gü 'siözë -sü -nu 'ö bhë, 'ma n -zo 'ta -a 'gü, -yö n =zuö' 'glu dhi giagiawo.

⁸-A -kè 'dhö -sü 'ka, 'kò -kè =ne 'sëédhe 'a- bɔ ka -dhë bhë -yö ka wö -siö -wun 'ka, dɔ 'kwa- wo =ne 'yaa n =zuö' -to zlöö -wun 'ka gbo. -Yö -kè n =zuö' -to zlöö -wun 'ka 'töng 'bhle 'ö ka wö -siö -a 'ka bhë -a 'ka. ⁹Ka wö -siö -wun 'ö bhë yaa kè =ne pè 'wo- pö -yö -kè n -dhë -së yö -mü, 'kεε 'kò -kè =ne -yö -kè ka wö -siö -wun 'ka, a -bɔ -a 'gü 'ö n =zuö' 'glu -yö -dhi 'ö tɔɔ -ya -kè 'ö ka -bha 'ta 'sü -kò -yö yö zian -së -ta. Wösiödhe 'ö bhë -Zlan -yö -bɔ -a -ta 'yö 'ö -bha yuö =kaa'. =Ya kè 'dhö kò yiëë pè yaa gbe kè ka 'ka =ne bhë 'sa. ¹⁰Bhii wö -siö -wun mε 'ö =yaa- 'sü =ya yuö kaa -yö -gla =zuö' -dhië' -kwa -sü 'ö dho me 'ka dha -zian 'ka bhë -a -ta, 'ö me gbe =zuö' 'ka 'dho to zlöö -a -wun 'gü. 'Kεε

wö -siö -wun me 'ö 'kpongtaadhe -bha 'ka, -yö -dho me -nu 'ka ga -zian 'ka. 11-Kö 'ö 'wun 'ö na ka -zuë, 'ö -Zlan -ya sü 'ö yuö -kaa' bhë, -a -ye 'zü 'ö bhë -kaa -ga 'dhe! -Ka -kö 'ö ka -bha wö -siö -wun -yö ka -bha 'wun -nu -yö 'ko 'dhiö -kö -kaa' -së 'ka, 'go mü 'ö 'ka -kë -naazë kö 'kaan- ka -de dha -wun -nu kuën ka kwë bhë ka- -yö bhë -a! -Luu' 'ka- wo ka do 'wun bhë -a -gö 'yënnng bhë, 'ka -kë 'siözë -zluun -sü 'ka -yö kë 'dhö kö 'kaan- ka 'yan do n -ma kö 'wun yaakëme bhë 'kwaan- 'klo bho bhë, ka- -yö bhë -a! -A kë 'ka- wo 'dhö bhë -ya -zön -ne 'wun bhë ka -kö 'yaa- 'gü. 12-Ya kë -ne 'ma 'sëedhe bö ka -dhë kö n 'ka- bö 'wun yaakëme 'iin -a -kaa' -me -an -wun 'gü, 'kë kö a- -kë 'dhö kö -kö 'ö 'ka -ya -sü 'ka n =wuën' -Zlan wö 'dhiö bhë 'kaan- kë 'aan- do. 13Pë 'ö -kë 'ö pë -nu 'ka- kë bhë 'ö yi -faan' më bhë 'ö bhë; yaa kë -ne yi -faan' -ne 'ö më 'kpaan 'ka; 'këe Titö -bha -lo -sü 'ka 'nö, -kö 'ö ka 'saadhö 'ka- -faan' më -a 'ka bhë, -dhe 'yi- -wun ma, -yö -kë yi -bha -zuögludhi -wun -va 'ka. 14Bhii 'wun -nu 'wo -gban ka -bha, a- -blëe -a -dhë 'dhi -va 'ka 'këe kaa 'kun n -wo 'ka. -Kö do gia- 'ö 'yi 'wun gia- -blëe' -na -a 'ka ka -dhë bhë -ne 'ö 'a ka -wun -blëe -a 'ka Titö -dhë 'dhi -va 'ka; 'këe -yö -dho 'yö -kë 'wun gia- 'ka. 15-Kö 'ö 'ka -mca' -a 'gü -bhlëyadhe 'ka 'go mü 'ka- kuën 'suö -va 'ka, -ya ö -zo 'ta -a 'gü -yö -kë ka -dho -wun -va 'ka -a -gö. 16N =zuö' 'glu dhi -sü -mü, 'go mü 'ö n -zo yö -sü 'dhö -mü ka -bha 'wun 'plë 'gü.

Pë -nu -zuö' -së 'ka -sü

8 1Dhegluzë -nu, yi- 'piö kö pë 'ö -Zlan -bha 'glusë 'gü 'ö- -kë Yesu -wun -dhe 'wun gia- -me -nu -dho 'kuë- -sü -nu 'wo Maseduanë -an -dhë bhë 'ka- do. 2-Kö 'ö -towotame -nu -wo böa 'klobhodhe 'gü bhë ka- -yö; 'këe -an -bha 'gludhi -bha -kë -va -sü 'gü -wo wo -zo -bho wo -bha 'fëe 'gblüünzë bhë -a 'piö 'ö 'wo 'glusë -kë me -nu 'ka. 3A- -blëe ka -dhë 'wun gia- 'ka -ne pë 'ö -an -kö -yö -mca -wa -nu. -A -de -wo pë -nu -nu -ziögöüsüzë wo -de -zuë. 4'Ö 'wo -dheë' -nu kpo yi -gö -naazë 'ka -ya kë -ne -wo -mca -bha 'wo gbaö bö -Zlan -bha me -nu 'wo Zude -së 'gü bhë -an -dhë 'pö. 5Pë -nu 'wo- -kë bhë -yö -ziö -kö 'yi yi -zo -taa' -be bhë -a -ta. Bhii 'ö töö 'dhiö -blëezë 'ka -wo wo -de -nu Dëme -dhë; 'go mü 'zü, 'ö -Zlan -zo 'kun -wun 'ka, 'wo wo -de nu yi -dhë. 6Pë 'ö -kë 'ö 'yi- pö Titö -dhë -yö 'dho -yö yuö kë ka -plöö -ne -kö 'yö- zü do -a 'ka -a 'dhö 'ö bhë kö -yaan kë kö ka -bha 'glusë -yuö bhë, 'kaan- -a 'dhiö 'to. 7Ka -bhöözë pë 'plë 'gü: -Zo yö -sü oo, 'wun -blëe' -sü oo, pë do -sü oo, -kë 'siözë -sü 'ö- -naa 'kan -dhe 'yaa -dhö waa- yi -dho 'ö ka 'gü bhë; -a -wun 'gü yi- 'piö kö 'ka ka -de -zön -bhöömë -nu 'ka, ka -bha 'glusë -yuö -nu 'ka -an kë -na bhë -an 'gü 'pö. 8Yaa kë töng -nu ka -dhë -wo 'ka; 'këe 'wun 'ö -gban me 'waa gbë -nu -bha -kë 'siözë -kö -bha 'a- -wun -blëe kö -dho 'ö ka 'gü bhë, 'kaan- -a 'gü -pë -nu kë, kö me -nu -waan -an yö. 9Bhii ka kwa Dëme Yesu Klito -bha 'glusë -do! 'Ö töö yö 'ö -kë -bhöözë bhë -yö ö -de -kë 'fëezë ka -wun 'gü, -yö kë 'dhö kö -a -bha -kë 'fëezë -sü bhë, ka -zë 'kaan- bö -a -ta 'kaan- kë -bhöözë -zian'.

¹⁰-Dhe -kè 'dhö, 'ma n -zo 'ta 'wun bhè -a 'gü; pè 'a- yò mü 'ö tɔɔ kö pè 'ö 'ka- zü dɔ -kwɛ 'ö -ziö =ne -a 'gü bhè 'ka- kè 'ka dhoë 'dhiö, bhii ka -ne 'ka -kè mɛ -blɛɛzè -nu 'ka kɔlɛtö -wun bhè -a 'gü; 'ö yaa 'sü ka -bha -a 'gü -pè kè 'ka- wo -blɛɛzè 'ka bhè -a -wun -bha. 'Kɛɛ -yö -sü ka -bha kè 'ka- wo mɛ -nu 'wo -we -a -wun -bha -blɛɛzè 'ka bhè -a -bha. ¹¹-Dhe 'ö 'pö, -kaa kè 'ka dhoë 'dhiö 'kaan- -a 'dhiö 'to. -Kɔ gia- 'ö 'ka =weë' kɔlɛtö -wun bhè -a -bha bhè, -kɔ gia- bhè 'ö 'ka dho -a 'gü -pè kaa -yö kè 'dhö kö =ii- waa- 'ö 'gü -pè -waan -mɔ wo 'kuë. Pè 'ö ka -kɔ dho -mɔ -a nu -sü -bha =ne 'ka dho -a kaa. ¹²Bhii mɛ =ya pè nu mɛ -dhè 'ö -de -kwaa', 'ö -Zlan -yö -we -a -bha gbao 'ö bhè -a -wun -bha. -Yö -sü -kɔ 'ö pè -yö =kaa' mɛ -gɔ 'ö 'wo gbao =kaa' bhè -a -bha. Yaa 'sü pè 'ö 'yaa mɛ -gɔ -a -bha. ¹³Yaa kè =ne -kɔ bhè 'ö 'ka dho =daa' pè =mɛɛ' -sü 'gü 'zü, 'kɛɛ pè 'plɛ 'dhiö -yö -mɔ ka -gɔ 'kuë =zian'. ¹⁴Bhii 'töng 'ö =ne -a 'gü, pè -yö ka -gɔ =va, 'ö 'ka -mɔa -bha kö 'ka nu mɛ -nu 'ö -an -bha -wun 'dho pè -nu -bha -an -dhè. =Ya kè 'dhö 'pö, yi 'ö ka -bha -wun dho yöë pè -bha, kö wo -zè pè -yö -an -gɔ =va, -wo -dho nu ka -dhè 'pö. Pè -bha -mɔ 'kuë -sü bhè yö =ga 'ö bhè. ¹⁵Bhii pè 'ö =bɛɛn' -sü 'ka -Zlan -bha 'sèédhe 'gü ('ö -gban Izlaelö -mɛ -nu 'wo 'mané -lö 'kpa 'yènnɔ =taa -an -bha,) -ya -pö: *Mɛ 'ö- sü =va 'yaa 'to -a -gɔ; 'ö mɛ 'ö- sü 'tee 'ö- -bha -wun 'yaa yö -a gbɛ -bha 'pö.*

Titö waa- ö 'bhamɛ -nu

¹⁶-Zlan 'ö -kè 'siözè -sü nu Titö -dhè ka -wun 'gü =ne -kɔ 'yi- 'ka -a 'dhö 'pö bhè -a 'tɔ -yö kè =va! ¹⁷-Dhe 'yi- pö -a -dhè -yö nu ka 'piö 'ma, -a 'yi -yö -kan -a -dhè giagiawo; 'kö -kè =ne yiè- pö 'dhö -be, -yö -dho -a sü 'ö =deë' 'ö nu 'ma bhii ka -kpɛ -ya -ta. ¹⁸Dhegluzè do 'ö kpa -a -bha 'ö wo -nu 'wo nu -na 'ma bhè 'ö tɔɔ mɛ 'ö mɛ 'plɛ 'dho -a -wun -sè -blɛɛ' -na -Zlan -wo pö -kɔ waa- 'wuntaɔsè =blɛɛ' -kɔ -wun 'gü bhè. ¹⁹=ɛɛ, mɛ 'ö nu -na 'ma bhè, Yesu -wun -dhe 'wun gia- -mɛ -nu -dho 'kuë- -sü -nu =ne 'wo- sü 'wo- yö yi 'piö kö -yaan 'dho -dɔ yi -gɔ =dhia, 'ta 'yi dho dho -a 'gü 'wun -sè kè -sü 'ka Dème 'tɔ -kè =va -sü 'ka, 'go mü 'yièn- 'sü 'yièn- nu mɛ -nu -dhè bhè -a 'gü. ²⁰Yi- 'piö kö -kun 'ö mɛ -nu -wo yi 'tɔ -siö 'wèü- =va 'ö bhè -kɔ 'yi dho pè -nu kaa -a -wun 'gü. ²¹Yi- 'piö kö 'yi 'wun -sè kè; -yö yi =zuö' 'piö kö -yö kè Dème wö 'dhiö -sè, 'kɛɛ kö -yö kè mɛ 'bhee- -nu wö 'dhiö -sè 'pö. ²²Yi dheglu -mɛ do 'bhaa 'ö 'yiè- 'piö -ga 'wun =plèézè 'gü 'ö- 'gü kpengdhö =ne 'ö waa- mɛ -nu 'wo bhè 'wo nu -na 'ma bhè. 'Kɛɛ zlöö -bha bhè -a -bha -kè 'siözè -sü =ya 'dho 'dhiö -a -bha -zo -tèn ka -dhè -sü =va 'ö bhè -a -wun 'gü. ²³Titö 'ö bhè, -ziö n 'piö -mɛ 'ö yi -nu 'yi yuö -kè ka -dhè yö -mü; dhegluzè -nu mɛ 'wo- 'piö bhè, Yesu -wun -dhe 'wun gia- -mɛ -nu -dho 'kuë- -sü -nu 'wo 'nò =ne 'wo -an bɔ kö -waan pè -nu kè -yaan kè Klito 'tɔ -blü -gen 'ka. ²⁴-Kaa -zɔn -an -dhè =ne -an -dho -yö ka 'gü giagiawo, -yö kè 'dhö kö Yesu -wun -dhe 'wun gia- -mɛ -nu -dho 'kuë- -sü -nu -wa yö 'wun gia- 'ka, 'go mü kö -wo yi -bha -kè 'gɔugɔ -sü -wun -gen dɔ.

Pè 'wo nuè dhegluzè -nu -dhia

9¹Ma -dhe -ga -a 'gü, -yö -zɔn n -dhè -nɛ n 'ka 'dho 'sëédhɛ bɔ ka -dhè pè -nu 'ka dho -a nu -Zlan -bha, mɛ -nu 'wo Zude -sɛ 'gü -an -dhè bhè -a -wun 'gü. ²A ka -wun -blɛɛ 'dhi -va 'gü Maseduanè -següme -nu -dhè n -de -kè 'gɔugɔ 'ka, bhii a ka -zuö' 'piö -wun -sɛɛbɔ -nu -dɔ. Pè 'a- pö -an -dhè 'ö tɔɔ: «-Kwɛ 'ö -ziö -nɛ -a 'gü, dhegluzè -nu 'wo Glèkò -sɛ 'gü bhè -wo -mɔa 'gü kö -waan pè -nu bɔ dhegluzè -nu 'wo Zude -an -dhè.» -Ka -dhe -ga bhè 'dhe! Ka -bha -kè 'siözè -sü bhè -nɛ 'ö- -kè 'ö mɛdhevadhɛ -wo yö wo -bha nu -sü -bha bhè. ³-A -kè 'dhö -sü 'ka, dhegluzè -nu 'wo -nɛ, a -an -bɔ ka -dhè yi 'dhiö, -yö kè 'dhö kö ka -wun -sè 'yi- -blɛɛ 'wun 'ö bhè -a -wun 'gü bhè, kö -kun 'ö- -wun dho to 'kpaan; 'kɛɛ pè 'a- 'piö 'ö tɔɔ 'ka ka -de -pè kè -nɛ -kɔ 'a- -blɛɛ -a 'ka ka -dhè bhè -a 'dhö. ⁴'Yaa 'pö, yiè -Maseduanè -mɛ -nu 'yiè nu, 'ö waa ka yö ka -de -yuö kè -sü 'ka, -yö -dho kè yi -bha lè- -wun 'ka yi -zo 'yi- tɛn ka -dhè bhè -a -wun 'gü; 'ö 'go mü 'yö dho kè ka -bha lè- -wun -va 'ka 'pö. ⁵Pè 'ö -kè 'a- yö -sè kö dhegluzè -nu 'wo bhè 'a -an bɔ kö -waan nu ka -plöö n 'dhiö bhè 'ö bhè; -yö kè 'dhö kö -waan 'glusè gbao 'ö 'ka- 'tɔ go bhè kö -waan -a 'dho 'kuè-. 'Ya kè 'dhö, -a kè -yi 'ka kö 'aan- nu, kö -an 'plɛ 'dhiö -ya -mɔ 'kuè kö 'aan- -a dɔa 'zù -nɛ ka -nu ka -zuö' -sè 'ka; kaa- kè -zuötozlöödhɛ 'gü. ⁶-Yö kè ka 'yaan -nɛɛ: Mɛ -ya pè ta 'tee, -yö -dho -a kan 'tee; 'ö mɛ 'ö -ya pè ta -va, 'ö -a kan -va 'pö. ⁷-Dhe 'ö 'dhö, kö mɛ 'ö -dhö -yö pè -nu nu -nɛ -kɔ 'ö- 'ka -a -zuö' -bha -a 'dhö, kö -kun 'yö- nu -zuötozlöödhɛ 'ka 'iin -nɛ pè 'wo- pö -a 'gbee- -ta 'wo- bho -a 'dhö. Bhii mɛ 'ö pè nu -zuögludhi 'ka bhè, -a -dho -yö -Zlan -kè. ⁸-Zlan -kɔ -yö -mɔa kö -yaan pè -sɛɛbɔ -suu' -saadhö nu ka -dhè -va, -yö kè 'dhö kö pè -nu -wo kè -kplawo ka -gɔ -va, kö ka -bha -ya 'go -a 'gü, -a 'bhaa -yaan 'to kö 'kaan- gbao -nu kè -an 'ka. ⁹Bhii 'wun 'ö -gban -sü 'ka -Zlan -bha, 'ö -bɛɛn' -sü 'ka -ya -pö: «-Yö pè -nu 'fɛɛmɛ -nu -dhè 'glusè 'gü; -a -bha 'wun -sè kè -sü -yö -dho 'dhiö -toöpö 'ka.» ¹⁰-Zlan 'yö pèga nu pègatamɛ -dhè, 'go mü 'yö -bluu' -nu -a -dhè -bhöpè 'ka bhè, -yö -dho pèga 'saadhö 'ö ka -bha -wun 'dho -a -bha -a nu ka -dhè; 'yö -kpea, -yö kè 'dhö kö ka -bha 'glusè kè -sü bhè -a bhe -yaan -ya -va. ¹¹-Yö -dho ka kè -bhɔɔzè 'töng 'saadhö 'ka, -yö kè 'dhö kö 'kaan- 'bhaa gbao -nu kè. -Kɔ bhè -nɛ 'ö mɛdhevadhɛ dho -Zlan zuö pöè gbao 'ka- -kè -an -dhè 'ö 'yi dhoè -an -dhia bhè -a -wun 'gü. ¹²Bhii yaa kè -nɛ gbao -nu 'wo bhè pè 'ö -Zlan -bha mɛ -nu -bha -wun -yö yö -a -bha bhè -a 'gü -pè 'sloo -mü, 'kɛɛ -yö -kè -bhɛa -Zlan -dhè -sü -a zuö pö -sü -gen 'ka 'pö. ¹³Gbao 'ö 'dhö bhè -yö ka kè -kɔ -nu -zɔn -dhegbadhɛ 'gü kö mɛ -nu -waan -Zlan 'tɔ kè -va, 'wuntaɔsè 'ö -gban Klito -bha bhè, -a -dhe 'ka- wo 'wun gia- -bhlèyadhɛ 'gü bhè -a -wun 'gü; 'ö 'wo dho -Zlan 'tɔ bhɔ, -kɔ 'ö 'ka pè -nu -glu -a 'ka, ka 'dhö, wo 'dhö waa- mɛ -nu 'wo to ka -nu ka zièn 'glusè 'gü bhè -a -wun 'gü. ¹⁴-Wo -dho -bhɛa' -ka -wun 'gü, 'ö -an -zuö' -yö -kè ka 'piö 'glusè -va 'gblüünzè 'ö -Zlan

-ya -kë ka 'ka bhë -a -wun 'gü. ¹⁵-Zlan 'tɔ -yö kë -va gbao 'ö- -zuan' gbe 'yaa 'dhö, 'ö yö gia- 'ö- -kë kwa -dhë bhë -a -wun 'gü.

Pɔlö -yö -ɔ ö -bha yuö -gban -gɔ

10 ¹Ma Pɔlö -mɛ, 'ö mɛ -nu -wa pö 'ma kë ka 'piö 'maa 'we, 'ö 'wo- pö a -ɔ kö yi 'ö 'maa ka 'piö kö 'aan- kë 'dhiözë bhë, a- -pö ka -dhë Klito -bha -kë 'lëälë -sü waa- -a -bha 'wun -së -kë mɛ -dhë -sü 'ka: ²Kö -kun 'ka- -kë 'ö 'a 'wun -nu -kë 'dhiö yi 'a dho kaa ka -plöö -a 'ka. Bhii a- -ɔɔa' -nɛ a -dho -kë 'dhiözë -sü -zɔn mɛ -nu 'wo- pö -na yi pë -nu -kë mɛbheedhe -kwaa' bhë -an -dhë. ³-Yö 'wun gia- 'ka -nɛ kwa -tosiadhe -kë kwa mɛbheedhe -kwi 'gü; 'kɛɛ 'yiëë 'ko zë -nɛ mɛ 'bhee- -nu -bha 'ko zë -ko 'dhö. ⁴'Ko =zaa' -piö -nu 'yi 'ko zë -na -a 'ka bhë 'waa kë -nɛ 'kpongtaame -nu -bha 'dhö; 'kɛɛ -Zlan -bha 'ko =zaa' -piö 'piigbeezë -nu -nɛ 'wo- -kë 'yi -glu -gla -nu =wüü -an 'ka; 'wo tɔɔ =sua -wun. ⁵'Ö =ya kë 'ö pë -nu =ya kë 'ö mɛ 'bhee- -nu -bha -de -sü -va 'gü, 'wo ɔɔ -na -Zlan -bha 'wundɔdhe -gɔ, 'yënnɔ bhë yi -an -lo. Yi- -kë 'ö mɛ 'bhee- -nu -bha -zo -ta -a 'gü -wun -nu -wo -kë Klito -bhlë -ya -wun 'ka. ⁶-A -de 'kwa yö -dhe 'bhaa 'gü =sia mɛ mɛ 'ö =ya pë yaa 'tee kë -yaan 'kun -Zlan -bhlë -ya -sü 'ka, yi -dho -a 'klo bhö.

⁷Ka pë -nu 'piö -ga mɛbheedhe -kwaa. 'Kɛɛ a- -pö ka -dhë, mɛ 'ö ö -de ɔɔ Klito -wun -dhe 'wun gia- -mɛ 'ka, -yö kë -a 'yaan -nɛ -kɔ do 'ö- 'ka bhë, -kɔ do bhë 'yi- 'ka 'pö. ⁸-A -de 'yaa- -bha kö lë- -yö n kë, kë 'a- wo 'gougɔ pë 'ö Dëmɛ -ya -lo yi kwɛɛ, kö 'yiën- ka -bha -zo yö -sü -kpɛa' -ka 'dhiö bhë -a -wun 'gü, 'ö tɔɔ n 'ka 'wun yaa gbe kaa ka 'ka. ⁹'Maa- 'piö kö 'a 'siö 'kan ka 'gluu 'sëédhe -nu 'a- bɔ -na ka -dhë bhë -an 'gü. ¹⁰Bhii mɛ -nu -wa -pö: «Pɔlö =ya 'sëédhe bɔ, -yö kë 'dhiö- -a 'gü, 'kɛɛ yö gia- =ya kë kwa ziën, -yö -kë 'gügasüzë 'ka 'ö- -wo -nu -wo -kë 'lëälë 'ka.» ¹¹Mɛ -nu 'ö 'wun -suu' -bhë 'ö 'go -na ka dhiö bhë -yö kë ka 'yaan -nɛ: -Nii gbe 'yaa pë 'yi- -ya 'sëédhe 'gü 'yi- bɔ ka -dhë waa- pë -nu 'yi dhoë- kë ka 'piö 'ma bhë -an ziën.

¹²=ɛɛ, 'kɛɛ 'yiëë- 'piö kö 'yi yi -de -zɔn mɛ -nu 'ö =wa wo -de -ga 'ö 'wo wo -de sü -va bhë -an 'ka 'iin 'yi yi -de kë -nɛ -an 'dhö; bhii 'kpaakpadhe 'yaa -an -gɔ. -Wo wo -de -bha 'wun kë -kɔ -nu -kë, kö 'waan- -kë wo -bha 'wun kë -kɔ -nu =zuan' 'ka, 'ö tɔɔ -wo 'wun =zuan' -sü wo -de -bha, 'go mü 'wo wo -zo gɔn wo -de -dhë. ¹³-Ya kë yi -zë yi -bha 'ka, yi 'ka 'dho yi -de kë 'gougɔ -yaan zië -naa 'gü. Yi -dho yi -bha kë -a -naa 'ö -Zlan -ya -ya ö -bha yuö kë -kɔ 'ö- -zɔn yi -dhë 'yi nu 'yi -loë' ka -plöö bhë -a 'ka. ¹⁴Yiëë -lö -a -naa -zü -nɛ -dhe 'wo- pö -a -bha 'kpa kë- wo 'dhiö bhë yiëë -loë' ka 'piö -a 'dhö. Bhii 'ö tɔɔ yi -nu 'yi -lo ka 'piö, 'ö 'yi Klito -bha 'wuntaɔsë -blɛɛ ka -dhë. ¹⁵-Kɔ bhë -nɛ 'ö 'yiëë -löë' -a -naa 'ö -ya -sü 'ka bhë -a -zü; yiëë yi -de 'sü -va yuö 'ö mɛ gbe -nu -wa -kë bhë -a 'gü. Pë 'ö yi -zo 'piö -zian' 'ö tɔɔ ka -bha -zo yö -sü -yö 'dho 'dhiö, 'iin kö yuö =va -wungbeezë 'ö =tun ka ziën bhë 'yiën- kë -to -a -naa 'ö -Zlan -ya -ya bhë -a -bha -sü 'ka -kplawo.

16-Ya kë 'dhö 'yi -dho dho 'wuntaasë 'ö bhë -a 'ka 'se -dhe me 'wo to -an 'gü; -ya kë 'dhö, yi 'ka 'dho yi -de sü -va yuö 'ö me 'waa gbe -nu -wa -kë bhë -a 'gü. 17-A -kë 'dhö -sü 'ka, pë 'ö -ya -sü 'ka -ya -pö: «Me 'ö- 'piö kö 'ö ö -de 'sü -va, kö -yö ö -de 'sü -va pë 'ö Dëme -ya -kë -a -wun 'ka.» 18Bhii me 'ö- -wun -yö -Zlan -zo kun yö kun tɔɔ me 'ö ö -de sü -va ö -de këwun -nu 'gü 'këe me 'ö Dëme -ya -wun -së -blee.

Pɔlɔ waa- bɔme -suazë -nu

11 1Mëa-, -ka dɔ! -Ka 'we n -wun -bha n -ma -kë 'blɔnzë -sü -wun 'gü! 2A ka -ta -druei kë -na. 'Këe ma -druei bhë -yö -go -Zlan 'piö. Bhii ka n -gɔ -ne 'nëdhezë 'ö yaa gɔɔn -wun -tei' dɔ -kun 'ö 'a- 'piö kö 'a- dɔ gwaan Klito -gɔ -a 'dhö. 3'Këe pë 'ö- 'suö -yö n -kë 'ö tɔɔ kö -kun 'ö ka -bha 'wundɔdhe -yö yö yaan 'ö kaa Klito -nu ka -bha -klu 'kuë- -sü 'puu 'ö bhë 'ö 'ka- -to -dhe gbe 'gü -ne -kɔ 'ö 'ɛvö -yö ö -zo bhoë ö -de 'piö -mëe -bha -sua -yö 'ko 'dhiö -sü -zë -kë -a -gɔ -sü -wun 'gü bhë -a 'dhö. 4Bhii ka ka -kwaa me 'bhaa -nu -ziü 'ö 'wo nu 'ö Yesu 'ö 'yi- -wun -blee ka -dhë bhë 'ö 'wo- 'bhaa gbe -wun -blee ka -dhë; 'ö -Zuu 'slöösLö 'ö 'ka- yö bhë, 'ö 'wo- 'bhaa gbe -wun -blee ka -dhë 'ö 'wuntaasë 'ö 'ka- -dhe 'wun gia- bhë 'ö 'wo 'bhaa gbe -wun -blee ka -dhë, 'ö 'ka ka -kɔ kpɔ -an -gɔ, 'ka -an -nia kun -së 'ka.

5'Këe a- -dɔa' -ne n -bhlë -yö -dhö 'pö -ne ka -bha bɔme -nu -wungbeezë -nu bhë -an 'dhö, 'maa -an -zlöö -zian'. 6-Yö -mɔa -bha kö -yö kë 'wun gia- 'ka -ne n 'dhi 'yaa 'kan -sü -duö; 'këe -a me 'ö -gban 'wundɔdhe -bha, ka gia- -ne 'ö -kë ka 'yaan 'ma, 'wun 'bhaa -nu 'gü. 7Yi 'a -Zlan -bha 'wuntaasë -blee -a 'ka ka -dhë, n 'ka -kë 'wëüga -wun 'gü 'ö 'a n -de dho sia- -yö kë 'dhö kö ka -zë ka -gɔ -yaan -luu'-; 'ma- kë 'dhö kö 'wun yaa 'a- kë -a? 8A -we -a -bha Yesu -wun -dhe 'wun gia- -me -nu -dho 'kuë- -sü 'bhaa -nu -gɔ kö -wo n -saan' -nu bho. -Ya kë 'dhö kö -an -kpoo' kun 'a- wo kö 'aan- ma -tosiadhe kë -a -ta ma yuö 'gü ka ziën bhë -aa. 9'Töng 'a -kaa' ka -plöö bhë, n 'ka kë me gbe -kɔ -ta, n -ma -wun -yö -a -bha -pë -nu 'gü. Bhii dhegluzë -nu 'wo go Maseduanë -wo -nu n -dhia n -ma -wun -kan -pë 'ple 'ka. A n -zo -kë n -de 'piö kö -kun 'a dho 'wun wɔ ka -ta -kɔ 'saadhö 'ka. 'Yö 'a dho -a kaa 'dhö -kplawo. 10'Wun bhë -yö 'wun gia- 'ka; Klito -de gia- -ya -goo- 'ka. A- -pö ka -dhë 'wun me bhë, -yö -gban n -ma -kë 'gɔugɔ -sü -bha; 'ö Glëkö -següme gbe 'ka dho -mɔa -bha kö -ya bho n 'gü. 11-A -pö 'dhö -gen tɔɔ -më 'gbödhö -ee? Ka -dho 'pö 'yaa n 'gü bhë -ee? -Abi' 'sa! -Zlan -de -ya -dɔa' -ne ka -dho -yö n -kë.

12A -dho dho -a -kë 'dhö -sü 'ka 'dhiö -ne -kɔ do bhë -a 'dhö, -yö kë 'dhö kö me -nu 'wo zian -mëe' -na kö -waan wo -bha -de -sü -va yö -dhegbëadhe 'gü -a pö -sü 'ka -ne yi -nu yi yuö kë -kɔ -yö do bhë 'aan- zian 'ta -an -gɔ. 13Me -nu 'wo 'dhö bhë, bɔme -nu -suazë -mü -an 'ka. 'Waa wo këyuö giagia yö -dhegbëadhe 'gü 'ö 'wo wo -de -kë Klito -bha bɔme -nu 'ka. 14Me

'te 'tun -wun gbe 'yaa -mü, bhii 'ö tɔɔ Satan gia- -yö -mɔa -bha kö -yö ö -de kë -Zlan -bha bɔme 'ö -dhepuudhe 'gü -a 'ka. ¹⁵Ya kë 'dhö kö -më 'ö -kë 'ö -bha yuökëme -nu -de 'pö waa 'dho wo -de kë yuö kpengdhö kë -me -nu 'ka ɛɛ? 'Kɛɛ pë mɛ 'ö -ya -an -tian' 'ö dho kë -an 'dhiötodhe 'ka -yö -dhö 'wa!

**'Klobhɔdhe -va -nu 'wo nu Pɔlō -ta -a -bha -kë
Yesu -bha bɔme 'ka -sü -wun 'gü**

¹⁶A- =bleɛ' -na 'zü do =nɛ: Kö -kun 'ö mɛ gbe -yö n sü 'blɔɔnmɛ 'ka. 'Ö =ya kë 'zü =nɛ ka n -sü 'blɔɔnmɛ 'ka, kö -ka n -dhe 'blɔɔnmɛ 'gbɔnggbɔng. -Yö kë 'dhö kö 'a n -de 'sü =va pë 'bhle wo. ¹⁷-Yö 'dhö 'kɛɛ pë 'a- =bleɛ' -na zlöö bhë 'yaa pë 'ö Dëme -zo 'kun -wun 'ka -a 'ka. 'Ö =ya kë =nɛ -tosiadhe =suu' -nɛ, 'ma kë -a 'gü, kö a -dho n -de sü =va 'ö 'a 'wun =bleɛ =nɛ 'blɔɔnmɛ 'wun =bleɛ. ¹⁸Dhe 'ö -kë =nɛ mɛ -nu 'wo to -wo wo -de -sü =va mɛbheedhe -pë -wun 'gü bhë kö -më 'a dɔ -a -gɔ 'ö ma -de 'pö 'maa n -de 'sü =va bhë =ɛɛ? ¹⁹Mɛa-, mɛ 'ka 'kpaakpa 'ö 'ka ka =kwaa 'blɔɔnmɛ -nu -zü 'wo wo -bha 'blɔɔn- -zɔn ka -dhë bhë, -ka ka 'gü dɔ -a -bha 'gbee-! ²⁰Bhii -yö ka -dhë -së kö mɛ -nu -wo ka =nuadhe -kë wo, kö -wo ka -bha =naɔ -nu 'sü 'kpaan, kö -wo ka -püö, kö -wo =taa' -ka -gɛn -ta, kö -wo lë- kpɔ ka -ta. ²¹Ka -bha lë- -wun kun bhë =a! =Faan' yaa kë yi -gɔ kö 'yiën- 'wun =suu' -nu 'wo bhë -an kë bhë yö -mü.

-Ka ka 'to 'to ma =ga 'a 'dhoë- 'blɔɔn- -wun =bleɛ' bhë! =Ya kë =nɛ mɛ -yö -dhö kö -yaan ö -de 'sü =va kö ma -de 'pö a -dho -a kë 'pö. ²²A Eblö mi 'ka =nɛ -an 'dhö. A Izlaelö 'në 'ka =nɛ -an 'dhö. A Ablaamö =suu' -ta 'ka =nɛ -an 'dhö. ²³-Wo wo -de -kë yuö -kë Klito -dhë -mɛ 'ka; -ka dɔ, 'blɔɔnmɛ 'dhoë- 'wun =bleɛ': 'Ö =ya kë =nɛ Klito -bha yuökëme -mü -an 'ka, kö ma -de 'pö a -mɛ 'ka 'a =zié' -an -ta; -wo n -zuö -kanso 'gü -kplawo, -wo n -ma =va 'ö =zié' -an -ta; a -bɔ ga -dhe -bha -kplawo, ²⁴Zuifö -nu -wo -klaa -yaan 'gɔɔ- -yaaga 'ö ga 'seisië -sü n -ma -gwaa 'sɔɔdhu -zë. ²⁵Wlɔmë -mɛ -nu -wo n -ma -gwaa -yaaga -zë; =wa n -zuö -guö 'ka do kö -waan n zë; 'yitagɔ -yö -wiüü n 'ka -gwaa -yaaga -zë, 'a -dhekpaayi do waa- gbeng -yi do -kë yiö do. ²⁶'Ö 'ta =plëézë 'a- sü bhë 'a bɔ ga -bha mɛ yö -dhe -nu -bha, 'wo -kë 'yi -bha pa -sü -nu, këpëyaame -nu, n -de =sɛgüme -nu 'wo Zuifö -nu waa- -a mɛ -nu 'ö 'waa Zuifö 'ka -an -bha n zë -dhe -kë wo -sü -nu, ga -bha mɛ yö -dhe 'ö pödhe -nu 'gü -nu, ga -bha mɛ yö -dhe 'ö 'yënnɔ -taa -dhe -bha -a 'gü -nu, ga -bha mɛ yö -dhe 'ö 'yoo -ta -dhe -nu 'gü -nu, waa- ga -bha mɛ yö -dhe 'yö bɔ n dheglu -suazë -ta -nu, a -bɔ -an 'plɛ 'gü. ²⁷A yuö 'gbegbe -nu -kë; 'ö 'a bɔ 'güdandhe 'gbee- -nu 'gü; 'ö -'bhaa -nu =ya kë 'maa yi zë, 'ö din -nu, 'yi mü -dho -nu -wo n -kë. -A 'bhaa -nu =ya kë -wo n 'gbee- -ta -bho -nu wo 'ö 'a to din 'ka =plëézë wo; 'nɛnɛ -nu -wo n -kë, bhii sɔ yaa kë n -gɔ. ²⁸'Ö =ya kë 'ö n =zuö' -yö to zlöö Yesu -wun -dhe 'wun gia- -mɛ -nu -dho 'kuë- -sü 'saadhö -wun 'gü. N 'dhi yaa -mɔa -bha kö -yö bɔ -a 'plɛ 'gü. ²⁹=Ya kë =nɛ =faan' -yö yën -na mɛ 'bhaa 'gü, kö ma -de 'pö =faan' -yö yën -na n 'gü. =Ya kë =nɛ mɛ 'bhaa =ya 'wun yaa kë, -yö -më n 'ka =duö.

³⁰Ö -ya kē -ne 'ma- pō 'a n -de 'sü -va kō a -dho n -de sü -va pē 'ō 'a 'tēētē -a 'gü bhē -a -wun 'ka. ³¹-Zlan kwa Dēme Yesu Dē 'ō 'dhuē- 'dho -a 'to -ta -toēpō 'ka bhē yō gia- -ya -dca' -ne n 'ka -sua kē. ³²-Ka dō 'dhe! A -kē Damasō 'ō 'sedē 'ō -kē yuō kē -dhiadhō -gludē Aleta 'dhiō bhē, 'yō 'yan -to 'kō -bha -me -nu dō -da plōō 'kōdhi -bha kō -waan n 'kun. ³³'Kēe mē -nu -wo n -ya -kpasen 'gü 'wo n bō böü- 'kplong 'ō -niē pō- -zū bhē -a -du do -bha 'wo n -yōō -a -zläō -zian'. -Kō bhē -ne 'a dhaa -a -gō.

'Yanpiöpē waa- pē -nu 'wo dho kē 'ō -Zlan -ya -zōn Pōlō -dhē

12 ¹-De -sü -va -sü 'yaa -sē 'kēe -ka dō! 'Dho 'a 'dhoē- -de kē bhē. 'Yanpiöpē waa- pē -nu 'wo -kē -bin -sü 'ka 'ō Dēme -yō -we -a -bha n -gō kō 'aan- -an yō bhē a 'dhoē- -wun -blēe' -bhē. ²Yesu -wun -dhe 'wun gia- -mē do 'ō -Zlan -ya sü 'ō dho -a 'ka dhang- kē -yaaga -naa 'gü, a- -dō. -Yō -kē 'dhō -a -kwe 'gōō -do 'ō ga -yiisiē -mü -dēe; (kō kē- wo -ne, -da 'pō- wo dhang- 'gü 'iin kō 'yanpiöpē 'kpaan 'pō- yō ee; -Zlan do -ne 'ō 'ō -bha pē dō). ³'Kēe gōōn- bhē -yō -da 'ō dho 'teepadhe 'ō -Zlan 'piō -a -bha. (A- -pō 'zū -ne, kē- wo bhē -da 'pō- wo, 'iin 'yanpiöpē 'kpaan 'pō- yō ee; -Zlan dosen -ne 'ō 'ō -bha pē dō.) ⁴'Yō -dhe bhē -a 'gü, 'ō -wo 'ō yaa -mō -bō -a 'piō -sü -bha 'ō- ma. -Wo 'ō bhē, -wo 'ō mē 'ō -tun 'ō 'sebun 'gü, 'waa 'we -a -bha -a -gō kō -ya pō yō -mü. ⁵A -dho n -de sü -va gōōn- 'ō bhē -a -wun 'gü, 'kēe n 'ka 'dho n -de sü -va n -de -wun 'gü, -a 'ke yaa kē pē 'ō 'a 'tēētē -a 'gü -a -wun 'gü. ⁶Ö -ya kē -ne 'ma- pō 'a n -de -sü -va, kō 'blōōnme 'yaa -mü n 'ka, bhii pē 'a dho -a pō bhē 'wun gia- -mü. 'Kēe 'maa- 'piō kō 'a n -de 'sü -va. Bhii 'maa- 'piō kō mē -ya n -ga n pō -pē -bha, 'a kē -a -zo 'piō -va 'a ziē -kō 'a- pē -nu kē -na 'ka 'iin 'a -Zlan -wo pō -na -a 'ka bhē -a -ta.

⁷A -kē 'dhō -sü 'ka, -yō kē 'dhō kō -kun 'a dho pa -de -sü -va 'ka 'wun 'gblüünzē -nu 'wo- yō -dhegbeadhe 'gü n -dhē bhē -a -wun 'gü. 'Ö- -wun 'gü, 'yua 'dhiōzē do -yō nu n -ta -ne pē 'wo- pō Satan -bha -naōōme -mü 'kpa -a 'dhō. -Ya kē 'ō nu n -ta kō -kun 'a dho pa -de -sü -va 'ka. ⁸A -bhea Dēme -dhē -gwaa -yaaga -zē 'yua bhē -a -wun 'gü, 'ō 'a- -dhe -a -gō kō -ya bho n -ma. ⁹Ö- -daa -kē n -gō 'ō- pō: «Ma 'glusē 'a- -kē ü -dhē 'ō bhē tōō pē 'ō ü -bha -wun 'dhoē- -bha. Bhii a ma 'piigbeedhe -kē ü -kwaā' 'tōng 'ō -faan' 'yaa- 'ka ü -gō bhē -a 'ka.» -Dhe 'ō 'dhō kō a- 'piō n -zuōga 'plē 'ka kō 'a n -de 'sü -va n -ma -kē 'tēētē -wun 'gü; -yō kē 'dhō kō Klito -bha 'piigbeedhe -yō kpa n -ta. ¹⁰Pē 'ō -kē 'ō n -zuō' 'glu -yō -dhi n -ma -kē 'tēētē -sü, 'si -nu 'wo- bho -na n -gō -nu, -zuō' -kaan 'kuē- -wun -nu, 'klobhōdhe -nu, -zuō' -bha 'zēzēdhe 'kun -sü -nu 'ō 'wo nu -na n -ta Klito -wun 'gü bhē 'ō bhē; bhii 'ō tōō 'tōng 'ō 'ma kaa 'tēētē, 'tōng bhē 'ō 'a -kaa' -faanzē (bhii kō n -klu -sü -mü -a -bha.)

'Suō -bha -da 'ō- wo Pōlō 'gü Kolentö -mē -nu -wun 'gü

¹¹Ka- -yō bhē -aa. Ka -ne 'ka- -kē 'ō 'a 'wun -blēe' -na -ne 'blōōnme 'wun -blēe bhē. Ka -ne 'ka dho n -ta za dō -be. Bhii 'kō -kē -ne 'maa pē gbē 'ka, yaa kē -ne pē 'wo- pō 'maa pē gbē 'ka ka -bha bōme -nu -wungbeezē -nu

'wo bhë -an 'sɔɔ yō kun. ¹²N këyuö -nu 'wo- -zɔn -ne Klito -bha bɔme -mü n 'ka bhë -a 'ple -yö -kë ka ziën ma -zuösaadhe 'ka. -Yö -kë 'dhö -duakëpë -nu 'gblüünzë -nu waa- -dhidhaapë -nu -an kë -sü 'ka. ¹³'Wun -ne -a -mlë 'ö ka 'kun -kɔ -yö -kë -a 'gü ya, 'ö yaa kë -ne Yesu -wun -dhe 'wun gia- -me -nu -dho 'kuë- -sü -nu 'wo to -an 'dhö -a 'ke yaa kë, kë 'ö n 'ka- wo ka -kɔ -ta bhë -a 'ka e? -Eε, kö ka -bha 'gën -yö -së; -ka ziö n -ta!

¹⁴-Ka n -ga, n -mɔa 'gü -sü -mü kö 'aan- nu ka -plöö -gwaa kë -yaaga -naa wo; 'këe n 'ka 'dho kë ka -kɔ -ta; ka gia- -de -ne 'ö n -ma -wun 'dho ka -bha; n -ma -wun 'yaa 'wëü- -bha. Bhii pë -ya kë 'ö -kë yō kun 'ö tɔɔ 'në -nu -ne 'wo 'wëü- -mëe kö -waan dɔa wo -më -nu -gban -gɔ. 'Këe -an -më -nu -mü -zian'. ¹⁵-Ya kë ma -zë n -ma 'ka, pë 'ö n -gɔ -a 'ple -bha -dho ka -wun 'gü -sü, 'ö ma gia- 'a kpa -a -bha, -yö n -zuö' 'glu -dhi; 'ö -ya kë -ne 'ma ka -dho kë -ne -kɔ bhë -a 'dhö, n -dho 'ö ka 'gü bhë yaa 'dho kë -va -a? ¹⁶-Ya kë 'dhö, ka gia- ka -dho -a pö 'maa ka -kɔ -ta kö n 'gbiin- -yaan 'dho ka kë. 'Këe më 'bhaa -yö -dho ziö 'wun bhë -a 'piö ka -dhë -woë' -ne -gleng 'a- -kë kö 'aan- ka 'kun -sua -wun -nu 'a 'dhoë- kë ka -gɔ bhë -a -wun 'gü. ¹⁷Me -nu 'ö 'a -an bɔ ka -dhë 'ma bhë, -a më 'bhaa -nu -wo -naɔ -sü ka 'gü a? ¹⁸A -bhea Titö -dhë kö -yö nu ka -plöö; 'ö dhegluzë do 'ö 'ka- dɔ, 'a- yö -a 'piö. Ka -dho -mɔa -bha 'ö 'ka- pö Titö -yö -naɔ -sü ka 'gü a? Yö 'dhö, ma 'dhö, yi 'wun kë -kɔ waa- yi 'ta 'sü -kɔ waa kë do 'pö bhë -ee?

¹⁹-Yö -dho kë ka -zuö' 'piö -ne, -a -dhe -ya -glɔɔ, 'ö 'yi- 'piö kö 'yi yi -de bho 'wun 'gü ka wö 'dhiö. 'Këe -abi! Yi 'wun -blee -ne -kɔ 'ö- 'ka Klito -dhë -së -Zlan wö 'dhiö bhë -a 'dhö, 'ö 'wun -nu 'wo 'dhö bhë 'yi -an -blee ka -dhë 'dhö, dhegluzë -nu, kö 'kaan- -kpea'- -zo -yö -Zlan -bha -sü 'gü. ²⁰Pë 'a -ya -a -wuën' 'ö tɔɔ kö -kun 'ö nu 'a 'dhoë- wo ka -plöö 'ma 'ö 'a ka yö -ne -kɔ 'ö 'maa- 'piö kö 'a ka yöë bhë -a 'dhö, 'ö ka -de 'pö 'ka n -ga gbë. Pë 'ö- 'suö -yö n -kë 'zü 'ö tɔɔ kö -kun 'a -dɔn bho -sü waa- -druei kë -sü -nu oo, -naazuédhe kë -sü waa- 'wun kë -sü 'wo -zië' wo 'bha -ta -nu oo, 'si bho -sü -nu waa- -zuö dɔ -sü 'ö 'wun yaa -kë 'kuë -sü 'dho -a 'gü oo, -de -sü -va -sü waa- pë 'ple -kaan 'kuë -sü -an yö 'ma. ²¹Pë 'ö- 'suö -yö n -kë 'ö tɔɔ a- 'piö kö n -ma -nu ka -plöö -sü më 'ö 'dhoë- kë -ne, kö -kun 'ö n -ma -Zlan -yö n -gɔ dho sia- 'ö lë- -yö 'kpɔ n -ta ka wö 'dhiö, 'ö 'a 'gbo bɔ medhevadhe 'wo -da pë yaa -nu 'gü 'ö 'waa- 'piö kö 'wo 'go wo -bha -dhuupë -wun -nu, -an -bha -sɔɔn kë -sü -nu waa- -nëng pë 'ple -bha -sü -nu 'wo -an 'gü 'ö 'waa wo -kwaa'- -an -wun -zü bhë -an -wun 'gü.

-Zobüöwo -kaanta waa- -wekadhe

13 ¹-A -gwaa kë -yaaga -naa 'ö -ne kö 'a nu ka -plöö. 'Wun -dɔ më -bha -sü 'ö dho kë, -a -goo- -nu -dho kë -ple 'iin -yaaga -ne -kɔ 'ö pë 'ö -bëen' -sü 'ka -Zlan -bha 'sëédhe 'gü 'ö- pöë bhë -a 'dhö. ²-Zo -büö -wo do -yö n -gɔ kö 'aan- pö më -nu 'wo -sɔɔn yaa -kë 'dhiö 'saadhö waa- më -nu 'wo to -an -dhë. Ma -nu ka -plöö -sü -ple -naa 'ö -kë bhë, a- 'bhaa -blee.

'Kεε a- 'piö kö 'a- -bleε' 'zü, -dhe kë -ne 'maa ka ziën bhë; 'ö tɔɔ n -ma nu -sü 'ö 'dhoë- kë zlöö bhë, me gbe 'ka dho dha n -gɔ. ³Dhe 'ö -kë -ne ka- 'piö kö 'ka Klito -bha 'wun -bleε' -bɔ n -ta -sü 'ka bhë 'ka- yö bhë, kö ka -dho -a yö. Ka wö 'dhiö, Klito 'yaa me 'ö -faan' 'yaa- 'gü -a 'ka. -Yö ö -bha 'piigbeedhe -zɔn ka ziën. ⁴Pë 'ö -kë 'ö tɔɔ -dhe 'wo- dɔ -na -gaatalü -bha -faan' yaa kë -a -gɔ, 'kεε -yö -kë -a 'gü -sü kë -na -Zlan -bha 'piigbeedhe -kwaä. Yië- Klito -nu yi -bha -kë do -sü 'gü, -faan' 'yaa yi -gɔ 'kεε yi -nu yi -bha -kë -a 'gü -sü -yö -dho kë ka -wun 'gü, -Zlan -bha 'piigbeedhe -kwaä'.

⁵-Ka ka -de -bɔ 'wun -nu 'gü -kɔ -ga, 'ka -dhe -ga -a 'gü -së 'ka; 'ö -ya kë -ne -zo -yö -Zlan -bha -sü -yö ka -gɔ, kö 'kaan- -a =tɛi' dɔ =ne Yesu Klito -yö ka 'gü. 'Yö -dhe 'ka ka -de 'piö -ga bhë, ka mü -kɔklë =ε? -A 'ke ka -bha -zo -yö -Zlan -bha -sü bhë, 'ka- -yö sia- -kɔ dɔ kö yö. ⁶'Kεε -yö n 'gü =ne 'kaa yi 'sü =ne me -nu 'ö -an -bha -zo yö -sü bhë 'waa- -gen -gban -kɔ dɔ -an 'dhö. ⁷Yi -bhea -Zlan -dhë -yö kë 'dhö kö -kun 'ka dho 'wun yaa gbe kë. 'Yië- 'piö kö pë 'yi- kë -mε 'ka, 'yi yi -de =zuan'; 'kεε pë 'yi- 'piö 'ö tɔɔ 'ka 'wun -së kë -sü 'kun 'gbee- 'kö -kë =ne yi -zë yi -kɔ 'yaa -mɔa -bha kö yö -mü. ⁸'Ö bhii -ya kë =ne 'ka 'ta 'sü -Zlan -bha 'wun giagia 'gü, yi 'ka dho pë 'kpaan kë; pë 'yi dho -a kë =zian' 'ö tɔɔ -a me 'yö- 'piö. ⁹-Ya kë =ne yi -zë -faan' -yö 'go -na yi 'gü, kö ka -zë ka 'gü -yö kë -na 'gbee-, yi 'glu -yö -dhi. -A -kë 'dhö -sü 'ka pë 'yi- -dhe yi -bha -bhea' -sü 'gü -Zlan -gɔ, 'ö tɔɔ ka -bha 'wun 'plε -yö kë -Zlan 'gludhi -wun 'ka. ¹⁰Pë 'ö -kë 'ö 'a -ya ka 'ka =gbiin 'ö 'sëedhe -suu'- =ne 'a- bɔ bhë -a -gen =ga bhë, -yö -kë 'dhö kö 'töng 'a dho kaa ka =plöö bhë, kö -kun 'a dho pë 'ö Dëmε -ya pö 'a- kë bhë, 'a dho ka kun -a 'ka 'gbee-. Bhii -ya -kë 'dhö kö 'ka -kpεa' -zo -yö -a -bha -sü 'gü; yaa- kë kö -yaan ka 'gü =siö'.

¹¹Dhegluzë -nu, -wo 'ö n 'dhiö dho to -a -ta 'ö tɔɔ 'ka kë -zuögludhi 'gü; -ka 'dho ka 'dhiö -Zlan -zo 'kun -wun kë -sü 'ka, -ka ka 'ko -nu -faan' 'më. Ka =zuö' -yö kë do, 'ka -tosiadhe kë =zuöyagluu 'ka. -Ya kë 'dhö -Zlan 'ö -dhözë 'go mü 'ö =zuöyagluu nu me -nu -dhë bhë, -yö -dho kë ka 'piö. ¹²-Ka -mεε -nu kë ka 'ko -nu 'ka -së 'ka -dho 'gü dhegluzë -dhe -kwaä. -Zlan -bha me -nu 'saadhö 'wo 'nö =wa 'we kaa =duö. ¹³'Glusë 'ö kwa Dëmε Yesu Klito -ya -kë ka 'ka bhë, waa- -kë do -sü 'ö -Zuu 'slööslö -ya -nu ka -dhë bhë, -dho 'ö -Zlan -ya -kë ka 'ka bhë, -wo 'to ka 'saadhö ka 'piö.